

САРВАР АЗИМОВ

Сайланма

Икки томлик

Биринчи том

**ТОШҚЕНТ
Ғафур Ғулом номидаги
Адабиёт ва санъат нашриёти
1988**

ЮЛДУЗЛАР ЖАМОЛИ

Икки пардали драматик тарих

ҚАТНАШУВЧИЛАР:

Полвон Султонов — ишлаб чиқариш бошқармаси парткомининг секретари.

Бахмал — унинг хстини, врач.

Бобо Равшан — кекса коммунист.

Қорасоч — учувчи.

Улут Турсунов — обком секретари.

Чўли ака — колхоз раиси.

Меҳрихон — унинг хотини.

Алижон — шофёр.

Жумагул — ҳамшира.

ЭПИЗОДЛАРДА ҚУРИНУВЧИЛАР:

Соня — Совет Армияси сержантни.

Деҳқон Улмасов — катта лавозимни эгаллаган одам,

Қизил аскар

Фининспектор

Милиционер

Саркотиб

Санитарка

Ўзбек диёрининг шу кечаю кундузги ҳаётидан бир лавҳа. Аммо воқеа давомида асар қаҳрамонлари кўз ўшидан турли йилларда кечмиш тарих ўтади.

БИРИНЧИ ПАРДА

Саҳро. Қуёш тиф тортмоқда, Қимса қораси кўринмас. Фақат белоён қумзорлик ва чўнқир осмон. Қуюн бўлиб кўчмиш гармесел қозжираган қора саксовул, каҳрабо янтоқ, қорамтири шувоқ танааларини томиртамири билан юла қочиш дағдагасида... Сўнгра гармесел кучдан кетгандай тинчийди. Жимжитлик. Шу замон саҳна ўзгариб, қум бархани орқасидан куйиб битган самолётнинг лаш-лушлари кўринади. Шулар қаватида узала тушган Бобо Равшанинг боши боғлиқ. Ҳуши ўзида йўқ. Кийимлари бир ҳолатда кўринган Улуғ Турсунов қум устида ултирап. Бу одам, чамаси, ўта ҳолдан толган — икки букилган гавдаси, шалвираган қўллари, жавдираган кўзлари шундан нишона. Унинг ёнбошида Қорасоч ётар. Қорасочнинг бир ёғи нималар биландир ўралган. Үрнидан қўзғалолмайди, лекин тек ётишга тоқати йўқ. Ҳаяжонда.

Қорасоч. Нимага сувга тушган нондай бўкиб ўтирибсиз? Бирон чора излаш керак!

Турсунов. Қўлимиздан ҳеч нарса келмайди.

Қорасоч. Ахир у қудуқ остида-ку! Одам боласи қудуқда ётса-я! Ёрдамга боришимиз шарт. Мен кетдим...

Үрнидан даст турмоқчи бўлади-ю, оғриққа чидолмай йиқилар экан,
Улуғ Турсунов кўмакка келади.

Турсунов. Оёғингиз синган. У ҳам (*Бобо Равшан томон имлайди*) ҳуш-беҳуш. Қўлимиздаги чилвирдан ҳам айрилдик.

Бобо Равшан (*алаҳисирамоқда*). Боботоғ этагида ҳақгўй бахши яшар. Донишманд бахши... Боботоғ этагида, тоза чашма бўйларида... (*Тинчийди*.)

Қорасоч. Сизчи? Сизга жин ҳам ургани йўқ-ку!

Турсунов. Менми? Қўлимдан нимаям келарди? Уни ташлаб, якка ўзим қайтиб келишим, мен учун осон деб ўйлайсизми? (*Жон-жаҳдида*) Ҳолу қудратим етмагани учун якка қайтишга мажбур бўлдим! Қўлимдан келмагани учун!.. Ҳолдан толдим... Чумолидай заифман, қўлимдан бирон юмуш келмайди!

Қорасоч. Тавба дейсан, бу аҳвол нечук, нечук юз берди?

Турсунов (*чор-ночор*). Сизга ўн қатла ҳикоя қилдим. Майлиз, ўн биринчи мартаям сўзлаб беришим мумкин.

Бобо Равшан (*алаҳсимиқда*). Боботоф этагида ростгўй бахши яшармиш. Оқил бахши... Қўшиқ созлайди. Яхшилик ҳақинда... (*Тинчийди.*)

Турсунов. Сабил у қудуқни биз кўп, талай вақт қидирдик. Ҳануз Полвон тетик эди, мен бўлсанам тамом кучдан толдим. Қудуқ тахминан, у киши айтган (*Бобо Равшанга шиора қиласи*.) ердан топилса бўладими?!

Аммо-локийин, биз уни кўп, жуда кўп изладик. Қумзор илма-тешик қилинди. Фавқулодда бир оёғим сонимгача қумга ботиб кетсами, қўрққанимдан «дод!» солиб юборганимни биламан. Полвон қўлтиғимдан даст кўтарди. Қарасак: қудуқ, расмана қудуқ! Қоп-қора даҳанини кўрдик. Биз, ташна, қора терга ботган ғамдийдалар қудуқ оғзига бошимизни тўғрилаб, сув салқини элитганидан узоқ ётиб қолдик. Қимирлашга дармонимиз йўқ... Бир дунё вақт кечди чамамда. Салқини элитади-ю, сувнинг ўзи кўринмайди. «Тушилмаса бўлмас,— деди Полвон.— Сиздан ёшроқман, ўзим тушаман». Чилвирнинг бир учини белига боғлаб олган Полвон қудуқ тагига ўрмалади.

Сўнгра чилвирни тортинг, дея овоз берди. Тортдим. Термосни бойлаб туширдим. Термос қайтиб чиқди, лиммолим... Боз чилвирни ташладим. У юқорига кўтарилиш ҳаракатига тушди.

Полвон кўтарилиар, мен бор мадоримни бир тугунга жамлаганимча уни тортар, жонимни жабборга бериб тиришардим.

Яримлаб қолганини биламан, чилвир чўрт узилиб кетди...

Бобо Равшан (*ҳалиги вазиятда*). Нуроний бахши, ўлан созлайди, қўшиқ куйлайди, Алпомиш... Ойбарчин ҳақида дўмбираси бўзлайди... Қўшиқ куйлайди. Ёмонни қарғайди. Одил бахши... (*Тинчийди.*)

Турсунов. Мени телбалик кўланкаси босгандай бўлди. Эс-хушимни бутунасига йўқотдим. Натижада, қўлимда қолган чилвирни ҳам дастимдан чиқазиб юборибман. «Полвон, овоз бер»,— дедим, қичқирдим, дод солдим, аммо қудуқдан, аммо Полвондан садо чиқмади.

Қорасоч. Шундайм, ҳар ҳолда, у тирик бўлса ажаб эмас. Ноумидлик...

Турсунов. Ноумидлик эмас, ҳақиқат, Қорасоч, хунук ҳақиқат. Мен чақирдим, қайта-қайта чақирдим. Полвондан жавоб бўлмади. Қудуқ хийла чўнқир экан.

Қорасоч. Ҳар нечук бўлса-да, унинг ёнига боришимиз лозим.

Турсунов (*тоқати тоқ*). Ёнига! Унинг ёнига! Бизнинг қўлимиздан ҳеч нарса келмайди! Тушунинг ахир! Ҳеч нарса!

Қорасоч. Ноҳақсан.

Турсунов. Йўқ, ҳақман!

Қорасоч. Кийим-бошимизни тилим-тилим йиртиб, арқон тўқиймиз. Мени қудуқ бошига кўтара олиб борасиз. Сиз Полвон кетидан тушасиз, мен эса арқонни ушлайман. Қўрқманг, кучим етади, қўлим ожизлик қилса, тишларим билан тортаману арқонни қочирмайман.

Бобо Равшан (*ҳануз ҳуши ўзида эмас*). Қўшиқ куйлайди... Олмосдай түёғинг қордай тўшима... Кекса бахши дўмбирасини созлай, торларини бўзлата «Алпомиш»дан тушади. Нуроний бахши... Нимтатир шаббода эсмоқда... Қўнглим толкучукдан жевак таққан боғларни кўргу си бор...

Турсунов. Бу овсар хаёл!

Қорасоч бутун вужуди билан диққатга айланади.

Қорасоч. Машина! Мотор овози қулогимга келгай дай.. Наридан, бархан орқасидан!

Турсунов. Ҳаёл.

Қорасоч. Учувчининг қулогига ишингиз тушмапті Турсунов, узоқдан мотор овози келмоқда.

Турсунов. «Финг» деган шарпаниям эшитмадим. Жим! (*Қулоқ беради.*) Айтдим-ку!

Қорасоч. Мен рўйирост эшитдим, эшитдим!

Сукут.

— Ечинг қўйлагингизни!

Турсунов. Эсингиз жойидами ўзи!

Қорасоч (*қатъяян*). Қўйлагингизни ечинг, дейман.

Улуз Турсунов кўйлагини еча узатади. Қорасоч чок-чокидан йиртишга киришади.

Бобо Равшан (*йаша ҳолати*). Оқил бахши Боботоғ чўққиларида қўшиқ куйлайди... дилбар, мардана ҳалол қўшиқ... Одам таниган бахши...

Турсунов. Ҳадемай бизлар ҳам ақлдан озамиз... буниси нақд!

Нарироқ бориб, самолёт синиқлари ёнида узала тушади. Қорасоч арқон гўкин билан свора экан, тўсатдан мотор овози яқинлаша келади. Турсунов саҷраб оёққа босади, Қорасоч тошдек қотган. Улар

ўзларига ишонмайдилар. Яқин-ўртада вангиллаган мотор шовқини эшиллади-ю, дабдурустдан сўнади. Турсуновга жон киради.

— Бу... ёқа! Бу ёқа! Биз бундамиз!

Юрганича Бахмал кириб келади. Устида оппоқ халат. Қўлида қизил ой тамғали чамадонча. У билан орқама-олдин пайдо бўлган навниҳол Жумагул — ҳамшира қизинг бутун харакатлари Бахмалниги монанд.

Қорасоч. Бахмал!

Бахмал. Қорасоч! Оёғингиз синган кўринадими?

Қорасоч. Аввало у киши, у кишига...

Бобо Равшан томон ундайди. Бахмал билан Жумагул ҳушсиз

Бобо Равшан бошида парвона бўладилар. Укол қиласидилар.

Турсунов. Демак... демак, биз топилдик, шундоқми?

Бахмал жавоб бермайди.

Бобо Равшан (*аста-секин ўзига келиб*). Онаги нам... Оша қизим, тушимми ё ўнгим? А, лаббай, болала-рим?

Бахмал. Албатта ўнгингиз, Бобо Равшан, биз етиб келдик.

Бобо Равшан. Етиб келдик? Кам бўлманг, бўтам.

Бахмал. Ҳали кўрмагандай бўлиб кетасизлар, бобо! Мен санитария машинасида келдим, машинада эса рация бор. Аллақачон хабар юбордик. Сизларга вертолёт юборишадиган бўлишди. Кечирасиз, мен Қорасочга қарашим керак.

Бобо Равшан. Тезроқ, қарогим, тезроқ... (*Кўкрагига уриб*) Аҳён-аҳёнда хархаша қиласиди... занг босган. (*Кулимсиб*) Агар шу бугунги синовга дош берса, тангрининг қўйруғига челяк боғлардим... Кос-монавт!..

Жумагул. Дим сара!

Мийигида кулиб қўйган Бахмал Қорасоч сари ташланади. Жумагул кўмагида унинг оёгини кўришади.

Бахмал. Халос. Шина қўйилди. Ҳозирча кифоя. Мана буни ютворинг-чи! (*Таблетка узатади.*)

Қорасоч. Қандай топдиларинг бизни?

Бахмал. Қудуқ устидан чиқиб қолдик.

Турсунов. Қудуқ!

Қорасоч кўзлари Улуғ Турсуновда. Бахмал ҳам унга тикилган. Турсунов хаёли эса ўзга нарсада. Унинг икки кўзи ҳали-замон Бахмал кириб келган томонга қадалган. Афт-башарасида, бор вужудида нечукдир даҳшат. Шу вазиятда, кимдир кўкрагидан итарган

каби орқасига тисланади, қоқилади, йиқилади, туриб қочмоқчи бўлади. Яна йиқилади. Полвон Султонов, Чўли ака ва шофёр йигит Алижон пайдо бўлишади. Полвон Султоновнинг қўнғир соchlари тўзғиган, пешонасида қон ютган, уст-боши ҳўл, лой. Унинг икки қўлида икки бўлак чилвир.

Қорасоч. Тирик! Хайрият, Полвон Султонов тирик экан! Тирик!

Султонов (*вазмин*). Жилма, тўхта, Турсунов, қочганинг билан қутулмайсан. Шеригини ажалда қолдириб қочган номардга икки ўлим оз... Мана! (*Чилвирининг икки бўллагини кўрсатади.*) Бу — пакки билан қирқилган.

Турсунов (*кўзлари лўқ, овози шанги*). Туҳмат! Пакки йўқ менда!

Чўли ака. Не билай... Лафзининг турми йўқ кашмирй ёлғончи ҳам баъзида тўғри гапирап экан-да. Балли, ҳозир дастларида пакки йўқ.

Турсунов. Бўлган ҳам эмас! Пакки-маккини қўлимга ушламаган одамман!

Алижон. Бўлган. (Паккини чиқазади.) Қудуқ бўйидан изингизни олиб келаётганимизда топиб олдик.

Султонов. Сен қўлингда қолган чилвири қудуққа ташладинг. Олдин мендан кечдинг, сўнgra чилвирдан. Қароқчилар найрангини ишлатиб, ўйладингки, ёпиқли қозон — ёпиқли қолади. Ис ҳам, бис ҳам чиқмас. Аммо янглишдинг, думбул фаҳм. Энди бу чилвир сенинг йўғон бўйнингга лойиқ.

Отилган чилвир Турсунов бўйнига сиртмоқ бўлиб тушади. Қумда ўтириб қолган Турсунов слазарак ҳаракат-ла чилвири олмоқчи бўлади, лекин қўллари итоат қиласмайди. Бир замбил лой — Турсунов бўйидаги чилвир билан ўтиришда давом этади.

— Улуғ Турсунов, сени суд, изза қиласмиз. Бутун халқ номидан ҳукм чиқарамиз. Халойиқ, эшигининг!

Мен, ишлаб чиқариш бошқармаси парткомининг секретари, коммунист Полвон Султонов бўламан. Бу — Улуғ Турсунов, шу кунгача чўнтағида партбилетни ва обком секретари гувоҳномасини кўтариб юрган одам.

Бундан бир ҳафта муқаддам мени ўз кабинетига чақирди.

Саҳро сўнади ва Турсунов кабинети пайдо бўлади. Кабинетда Улуғ Турсунов билан Полвон Султоновдан ўзга одам йўқ.

Турсунов. Полвон Султонович, биз республикамиз юбилейи арафасида турибмиз-а.

Султонов. Ҳақ гап! Ҳалқимиз ҳаётида нодир бай-

рам бу. Шундай улуг айём кунларида кишиларни хафа қилиш инсофдан бўлмаса керак?

Турсунов (*лабидан ип қочириб*). Масала шунда-да. Мен кишиларимиз кўнглини кўтариш йўлларини изласак дейман. Бошқармангиз меҳнаткашлари байрамни мўл ҳосил, яхши даромад билан қарши олишларини истайман. Сиз бўлсангиз тескарисига оласиз.

Султонов. Ажаб, иккимиз бир масалани нақадар турлича тушунамиз. Ер билан Осмон...

Турсунов (*кулади*). Бу демак, биримизники хато!

Султонов. Сўзсиз.

Турсунов (*шўхчан*). Офарин, мана энди ўзингизга келдингиз! Ўз-ўзини танқид — ҳаво тозалагувчи буюк куч. Хатоларингизга тан бериб тўғри қиласиз. Бу — мард қалбнинг иши.

Султонов. Кечиринг, Улуг Турсунович, сиз-чи, сизнинг хато қилишингиз мумкинмасми?

Турсунов тикилиб қолади. Қўзларида ғайир тикан. Лекин айни ҳолати тезда ўзгариб юз-қўзида яна енгил табассум ўйнайди.

Турсунов. Маъқул, сиздақанги довюрак йигитларни яхши кўраман. Сўзим чин!

Султонов. Чин сўзингиз учун миннатдорман, аммо масалада мени яхши ёки ёмон кўришингизда бўлмаса керак.

Турсунов (*қаттиқроқ кулади*). Ҳангома! Сиз ҳали кўп ёшсиз, Султонов, асов тойчоқ сингари. Олдингиздан келсаям, орқангиздан ўтсаям тепмоқчи бўласиз... Кўнгилга олманг, бу шунчаки.., ҳазил.

Султонов. Олмаганим бўлсин. Фақат унчалик ёш эмасман. Яқинда қирқ ёшга кираман.

Турсунов. Оҳ, Полвон Султонович, қани энди меним қирқ — қирчиллама ёшим? Орамизда ўн етти йиллик фарқ бор. Яна қандай йиллар денг! Бу бутун бир умр... Унчалик ёш эмасман, дейсизу гапнинг чиройини очсан, партком секретарларидан бирига обком секретарининг меҳр қўйганини пайқамайсиз. (*Бармоғини ҳазиломуз ишга солади*.) Қадрига еting! Машойиҳларнинг айтгани бор: муҳаббат билан нафрат ўртаси бир қадам эмиш.

Султонов. Мақсадга яқинроқ келинса.

Турсунов. Яхши. Замонамиздаги ёшлар мустақил фикр қилишни севадилар ва дунё борди-келдилари тагига ўз ақллари билан етмоқчи бўладилар. Бу умуман, ҳурматга лойиқ интилиш, чунончи, ноўрин кўча ҷангитишлар чўтга солинмаса... Баъзан сизлар аллақачонлар ихтиро этилган самовар устида бош қотириб, тунларни бедор ўтказасиз. Илож қанча, Ҳар бир жараёнда манфий ва

нисбий ҳолат мавжуд. Диалектика. Хулласи калом, сизга меҳрим баланд бўлгани учун фикрларингиз хато эканини яна бир бор, чидам билан тушунириб беришим лозим экан.

Халқинг маданий-маиший ҳаётини яхшилаш устида тинмай ғамхўрлик кўрсатиш партияning асосий вазифалиридан бири экани сизга аёми?

Султонов. Улуғ Турсунович!

Турсунов. Эндиғисига, шошманг. Саволимда ҳазил йўқ. Марҳамат қилиб, жавоб беринг. Бирламчидан, буюк ҳақиқатларни тақрор этишдан ҳали ҳеч кимса зарар кўрган эмас. Иккиламчидан, бисмиллосидан тушилса ноаниқ масаланинг томирини тезроқ ушлаймиз. Демак?

Султонов. Аён.

Турсунов. Жуда соз. Хўш, Ўзбекистон пахтакорлари ва, борингки, бошқармангиз меҳнаткашлари маданий-маиший ҳаётининг яхшиланиши нимага боғлиқ?

Турсунов саволлари, айниқса, насиҳатомуз пардалари Полвон Султоновнинг жон-жонидан ўтиб кетади. У — жим. Турсунов ўзини билиб-бilmасликка солганича давом этади.

— Жавоб, жавоб беринг?

Султонов (зўр-базўр). Пахта ҳосилига.

Турсунов. Офарин! Ўз навбатида, пахта ҳосилининг мўл-кўл бўлиши бошқа бир қатор факторларга боғлиқ. Шу ғанимат кунларда улардан бири олдимизда кўндаланг бўлмоқда: ҳосил кўчатини сақлаб қолиш учун, бошқармангиз бўйинча кўчат яхши — бу мўл ҳосил гарови, кўк қуртиш лозим.

Султонов (жони ҳиқилдоғида). Кўк қурт кўчатларни тамом қириб юбориши мумкин! Лекин бизнинг қўлимида химия деган қурол бор! Ғўзаларга ядо-химикат, яъни заҳар билан ишлов бериш шарт! Энг фойдали усул — самолётлар орқали заҳар сочишдир! Қўл кучи билан ердаги асбоб-ускуналар воситасида ишлов бериш, самолётга нисбатан қийин, кўп вақтни талаб этади, қимматга тушади, ҳосилни бой бериб қўйиш ҳеч гап эмас... Меним билағонлигимга қойилмисиз?

Турсунов (тиражайганича). Албатта-да! Сиз учун барчаси оппа-ойдин! Ёд бўлиб кетган, ғазал каби (Эркалаган оҳангда.) Сирасини айтсан, қонингиз андак тезоброқ кўринади. Жаҳл — жаҳолат чашмаси. Партия раҳбар ходимларига ярашмайдиган хислат. Агар янгилишмасам, бу йил дам олганингиз йўғ-а?

Султонов (панг овозда). Йўқ.

Турсунов (хотира дафтарчасига нималарнидир

еэзар.) Эртагаёк облздрав бошлигига топшираман. (Хази-ломуз) Сизга хотинча — врач камлик қилсалар, бир батальон эзма медиклар ҳужумга ўтишади. (Жиддий) Қулинг ўргилсин санаториялардан бирини танлаймиз, даволаниб олинг, соғлиқни эҳтиёт қилиш шарт.

Султонов. Ўзим саломатманку-я... Аммо одамлар, болалар касалга дучор бўлишмоқда, оғир касалга... Самолётдан пахта далаларига ишлов берамиз деб боғларни, ичимлик сувни ва ҳатто қишлоқларни заҳарга тўлдириб ўбордик. Бошқармамиизда касалланиб йиқилганлар сони...

Турсунов. Биламан. Мактубингизни диққат билан ўқиб чиқдим. Шу сабабли, амалий хуросаларга ўтайлик.

Султонов. Айни мақсад. Меним таклифларим...

Турсунов (бошини тебратиб). Таклифларингиз жоиз эмас, нишонга урмайди.

Самолётлар воситасида ёзага алдин, бутифос, метил-меркаптофос билан ишлов беришни ман этиш жўн гап. Дунёда енгил кўчган, осон ишнинг ҳаммасиям энг тўғри ҳақиқат бўлавермайди. Айтганингизча, қўл кучи билан ишлов бериш — фоятда оғир иш, кўп вақтни талаб этади, қимматга тушади, ҳосилни қурт яксон қиласди. Йўқ, ўзга чоралар излаш лозим. Техника хавфсизлигини қатъян йўлга қўйиш шарт. Дори урилган далалар бир ҳафтадан сўнг одамга зарар етказолмайди. Партия, комсомол активларингизни сафарбар этинг, тарғибот-ташвиқот ишларини кучайтиринг, медицина назоратига катта аҳамият беринг. Одамлар касалланишига келсак, мактубингиз қозиги шунда, бу ишлаб чиқаришда учрайдиган бахтсиз ҳодиса, холос. Бизнинг шароитимизда ишлаб чиқаришда юз бергувчи бахтсиз ҳодисалар, даладами ва ё заводдами, бу техника хавфсизлигини унугиб қўйиш оқибатидир. Уни яхшилаб тартибга солиш — сизнинг вазифангиз. Акс ҳолда, область партия комитети сизни қаттиқ жазолашга мажбур бўлади.

Султонов. Айтганингиз чора-тадбирларнинг барчасини шай қилганимиз.

Турсунов. Демак, барчасини эмас.

Султонов (тикка). Барчасини. Лекин фойдаси бўлмаяпти. Қасалланиш сони камайиш ўрнига, кундан-кунга кўпаймоқда.

Турсунов. Сабаби нимада?

Султонов. Сабабими? Мактубимда батафсил ёзилган эди-ку... Бошқармамиздаги экин майдонлари шароити айрича. Тўғри, катта майдонларда, аҳоли яшайдиган қишлоқдан узоқ ерларда самолётдан дори сепиш мумкин ва

зарур кўринади. Бизда эса пахта майдони, қишлоқ, боғ, полиз, ичимлик сув — аралаш-қуралаш, бирини иккинчи сидан ажрим қилиш амримаҳол.

Турсунов (*ўрнидан қўзғала*). Ҳар нечук бўлса-да, ғўзани самолётлар воситасида дорилашни давом эттиришига мажбурсиз, тегишли хавфсизлик чораларини кўриб, албатта. (*Султоновга юзланиб, унинг кифтига қўлини қўяди.*) Биз план ҳақида, ҳосилни ошириш тўғрисида, халқимиз маданий-майиший ҳаётини яхшилаш устида бош қотирмоғимиз шарт. Мажбурмиз!

Султонов. Одамлар-чи? Уларнинг саломатлиги-чи? Бу ҳақда ҳам ўйлашга мажбурмиз. Заводдаги ишчи ўн икки соат мобайнида етти соатга қараганда кўпроқ пул ишлайди. Бироқ партия иш соатини тинмай камайтироқда-ку.

Турсунов. Лекин ишчининг иш ҳақи камаймайди. Сабаб? Сабаби шундаки, меҳнат унуми ошмоқда. Сиз эса бунинг бутунлай тескарисини — пахта майдонларини дорилашдаги прогрессив йўлни қўй кучига, ердаги майдачуда воситаларга кўчиришни таклиф қилмоқдасиз. Одамлар тўғрисидаги ғамхўрлик мустаҳкам иқтисодий базага асосланиши керак. Политэкономиянинг ибтидоий қонунларини эсингизга солганим учун узр, шунга зарурият ҳам борга ўхшайди.

Султонов (*бир озлик сукутдан сўнг*). Улуғ Турсунович, бошқармамиз бўйича ялпи ҳосил бари бир ёмон бўлмас.

Турсунов. Аммо самолётлар ишлашса, ҳосил янада юқори бўлади.

Султонов. Ҳосил одамлар сиҳатини омон сақлаш өвазига, бир қадар қимматга тушиши турган гап. Лекин қўй билан ишлов берсак ҳам планни дўндирамиз.

Турсунов. Мўл ҳосил — ақл тарозиси. Сизларда мажбуриятни талайгина ошириб бажариш имконияти бор. Областда шундай бошқармалар борки...

Султонов (*бир оз сукутдан сўнг*). Шундай денг. Афсуски, ўйларим тўғри чиқмоқда.

Турсунов. Қандай ўйлар, очиқроқ гапиринг?

Султонов. Фикри ёдингизда план, фақат план! Яна қулинг ўргилсан рапорт. Қолоқ бошқармалар айбини бизнинг бошқармамиз ҳисобидан беркитиб кетмоқчисиз. Қай йўл билан бўлса-да!

Турсунов (*ҳар сўзни чертиб*). Билишимча, қаерда эканингизни унутганга ўхшайсиз.

Султонов ўрнидан туриб кетади.

Эсингизга солай: сиз обком секретари кабинетидасиз. Тұғри, мен ҳамма иш учун, жумладан, план учун ҳам жавоб бераман.

Султонов. Фақат сиз эмас. Мен ҳам жавобгарман.

Турсунов. Аммо-локийин, меним жавобгарлігім ўзлариникига нисбатан қиттак күпроқ бўлса керак. Бу вазифани менга топширганлар... инонгандаридан...

Султонов. Менга-чи? Қим менга топширган унда?

Турсунов (ҳар сўзни чертиб). Нимаям дердик...
Хато ҳам бўлар экан.

Султонов. Албатта, бўлади. (Жимлик. Улар юзмажоз келишади.)

Турсунов. Сирасини эшитинг. Жасорат ва журъатдан бир мисқол күпроқ текканга ўхшайди. Аммо-локийин, мени қўрқитиб бўпсиз. Самолётлар воситасида ишловни тўхтатишни қатъян ман қиласман. Бўйин товласангиз, бутун масъулият, жавобгарлик елкангизга тушади. Хотимаси токи партбилетгача бориб етса, ажаб эмас, вассалом!

Суҳбат тамом дегандек, столга кўкрагини қўяди. Султонов ёнгоқ эшик сари йўл олар чогида останани босган Бобо Равшанга дуч келади.

Султонов. Ассалом.

Бобо Равшан. Саломат бўлинг, ўғлим. Айни муддао. Шу ерда тўғри келганимиз айни муддао бўлди.

Турсунов Бобо Равшанин қарши олишга шошилада. Юзи очиқ, лабларida самимий табассум.

Турсунов. Ассалому алайкум. Бобо Равшан, қадамнингизга баракат, отахон. Кўпдан кўришганимиз йўқ. Бардамгинамисиз?! Неваралар чопқиллаб юришиптими?

Бобо Равшан. Алайкум салом, Улуг Турсунович. Сиҳатим жойида. Неваралар — саҳар булбули. Мен айтай, сиз мағзини чақинг... Бу йигит (*Султоновга томон бошини чайқайди.*) кори ҳолининг чўғи менга ёқмаяпти.

Турсунов. Нима? Сабаб?

Бобо Равшан. Бошқармаларига бориб қайтдим. Оғир касаллик пайдо бўлган. У ерлар тор, одам гавжум. Ўзаларга самолётда ишлов бериш, айниқса, ҳалиги дардисар заҳарлар билан, асло, асло мумкин эмас кўринади.

Турсунов (*ижирғаниб*). Оббо сиз, Бобо-эй, зиммаларига бу хизматни ким юклади? Бирон қарордан хабарим йўқ.

Бобо Равшан. Гап — тулкиликда эмас, гап — тўғриликда... Менга қарор на даркор. Виждон, номус

амрининг ўзи кифоя. Ҳа, ёдингизда бўлсин, у бошқармада Бобо Равшан сайловчилари истиқомат қилишади.

Турсунов. Биз ўртоқ Султонов билан бор гапни ҳал қилдик.

Бобо Равшан. Ҳал этилдими, а?

Султонов. Уртоқ Турсунов самолётлардан ишлов берини тўхтатишига қатъян қаршилар.

Бобо Равшан. Қатъян-а?

Турсунов. Ҳа, қатъян.

Бобо Равшан (*Султоновга*). Қароматингдан...
Хўш, энди нима қилмоқчисиз?

Султонов. Тошкентга, Марказий Комитетга мурожаат этаман.

Бобо Равшан. Балли. Тўғри ўйлабсиз. Чақиришса менгаям хабар беринг-а, бирга учамиз. Бобонгиз қушдай енгил одам, уни бирга олганингиз билан самолёт қулаб тушмас.

Қоронғилик. Чироқ ёқилганда яна саҳро кўринади, самолёт парчалари қаватида йиғилишган одамлар диққати Қорасочда.

Қорасоч. Самолёт бўлса қулаб тушди. Йўқ, сиз тушганингиз учун эмас, Бобо Равшан, йўқ. Мен айбдор, фақат мен!

Бобо Равшан. Азиз жонингизни кўп қийнайверманг, она қизим. Сизда айб йўқ. Томирида куч-қудрат қайнаган энг тадбиркор одам ҳам фавқулодда оёқ остидан чиқиб қолган ҳалокатни бартарафлашга ожизлик қилса ажабланмайман.

Қорасоч. Тўрталамиз ҳавога кўтарилдик. Бу маҳсус рейс эди. (*Ҳикоя асосан Бахмалга қаратилган.*) Самолётимиз белгиланган йўналиш, белгиланган баландликда бинойидай учеб борарди.

Қоронғилик. Сўнгра жимитгина «АН» самолётининг кабинаси пайдо бўлади. Қорасоч учувчи курсисида, Бобо Равшан, Султонов ва Турсуновлар кабинада ўтиришипти. Мотор гувилламоқда.

Қорасоч (*Бобо Равшанга энгашиб*). Қайфиятингиз жойидами?

Бобо Равшан. Она қизим, самолётингиз мени ёшартириб юборди.

Қорасоч. Нима, нима?

Бобо Равшан. Туя ўркачига тирмашган болага ўхшайман: тебратиши — завқ, лўкиллаб чолиши эса «гуп» этиб ерга ургудай.

Қорасоч кулади.

Қорасоч. Тебратиши чаккими?

Бобо Равшан. Ёмон созлайти. Шу тобда, она қизим, кўнглигма бир афсона келди. Боботоғ этагида тўқсонни урган донишманд бахши яшармиш: бели калтакдай, кўзлари ўқдай, юзлари қирмизи олмадай — ўзи манадай ўтағаси. Кўшигини айтмайсизми — дарёи азим, сўнгесиз хаёл. Лекин бир афсонани, мағрур лочин ҳақидаги қўшиқни такрор-такрор куйлармиш. Ҳар қаноти икки қулоч, кўзи осмон тубини, ер киндигини тешгуси у лочин Боботоғ чўққиларидан ажралмас экан. Ажаб афсона. Эшитганингиз борми?

Қорасоч. Йўғ-а.

Бобо Равшан. Ерга қўнганимизда айтиб берарман. Шовқин қулоқни батанг келтирди. Лочинни қўнглигга келганининг боиси: булутлар қучоғида парвоз қилганида уни ҳам «бешиктерват» қиласмикан, ё?

Қорасоч (кулганича). Қайдам.

Улар жимиидилар. Энди Полвон Султонов билан Улур Турсунов сұхбати эшитилади.

Турсунов. Қилмишингизга пушаймон бўлмасангиз, отимни бошқа қўяман. Тошкентдагилар фурсати ниҳоятда зиқ. Кутишга тўғри келади. Сиздақангилар қабулхонада эзилиб ўлтираверади-ю, менга ўхшашлар кабинетга кириб ишини битиради.

Султонов. Ўйлашимча, охирги сўз ҳаққоний одам тарафида қолади.

Турсунов. Султонов, ягона нусха демаголлардан экансиз. Юзга чопар шайтон танангизда ин қўйган чамаси. Аччиқ данак меванинг ўзгинаси-а.

Султонов. Танага тушган сассиқ қуртдан кўра гўр данак бўлишни афзал биламан.

Турсунов. Тушунмадим! Нима демоқчисиз?

Султонов. Аноиилик сизга ярашмас.

Бир-бирларига қадалганиларича тек қоладилар. Шу дақиқа самолёт моторининг туриллаши гайритабии эшитила бошлайди. Үнинг устига пармадек қулоқни тешгувчи чирилдоқ ҳуштак овози қўшилади.

Қорасоч. Мой! Мой юргич тешилди! Вой, кўзим! Дунё қоронғи! Юзимни артинг! Кўзим! Кўзгинам!

Бобо Равшан Қорасочнинг юз-кўзини артишга тутинади.

— Кўзларим қоп-қоронғи! Кўрмайди! Самолёт бўй-сунмаяпти! Бўрон дағдағаси, човути бизни енгмоқчи!

Қоронғилик. Зимистон бағрини ёра ер сари қўндирилган самолётнинг даҳшатли овози. Олатасир. Жимжитлик. Сўнгра одамдар шарпаси, овозлар эшитилади.

Қорасоч овози. Жадалроқ! Бир зумда бақлар портлайди! Самолётдан узоқроқ кетинглар! Тезроқ қочинглар!

Султонов овози. Қорасочга күмаклашинг. Мен отахонни орқалайман!

Қорасоч овози. Тегмасин менга!

Султонов овози. А! Ҳа, ё тавбангдан! Бўлмаса, сиз отахонни кўтаринг. Чаққонроқ! Чаққонроқ!

Овозлар узоқлашади. Самолёт чақмоқдай нур отиб портлайди. Саҳна ёришиб, саҳро, самолёт парчалари, одамлар кўринишади. Султонов Қорасоч оёғини танғиши билан, Турсунов Бобо Равшан бўшини бойлаш билан бандлар.

Султонов. Азоб беряптими?

Қорасоч. Азоб мана бу ерда! (*Кўкрагига уради.*) Шунча йил учиб, бундай аҳмоқона аварияга дучор бўлишнинг ўзи?

Султонов (*ҳазилга буриши мақсадида*). Оқилона авария ҳам бўладими?

Қорасоч. Она сутн қотмаган қизалоқ, қанотсиз читтак каби...

Султонов. Юрагингизга, маҳоратингизга қойилман! Икки кўзингизни қоп-қора мой босса ҳам самолётни қўндира олдингиз-а.

Қорасоч. Бундай қўндириш учун мени авахта қиласалар арзиди!

Султонов. Ярашмаган мулоҳаза. Ҳаммамиз саломат қолдик. Сизда гуноҳдан асар ҳам йўқ. Ҳуллас, вазиятни аниқлашга ўтсак. Аввало, қаердамиз ўзи?

Қорасоч харита ўрнатилган планшетини елкасидан олади.

Қорасоч. Тахминан, мана шу ердамиз. (*Харитани кўрсатади.*) Эҳтимол, аварияга учраганимиздан сўнг, ўн километрча чамасида курсдан чиққандирмиз. Қисқаси, тахминан, мана шу нуқтада.

Султонов. Тўғри. Тошкентгача икки юз-икки юз эллик километрли масофа бўлсамикан?

Қорасоч. Шунга яқинроқ.

Султонов. Рация?

Қорасоч. Рация тилка-пора.

Султонов. Эндиғи маслаҳат?

Қорасоч. Сабр билан кутиш. Маршрутимизни билишади. Белгиланган вақтда аэропортга етиб бормаганимиздан сўнг, излашга киришадилар.

Султонов. Сув масаласи нима бўлади? Ҳали-замон тил оғизга сифмас, дил қинидан отилгуси...

Қорасоч. Қўринг-чи, термосимда қанча яхна чой?

Бобо Равшан бошини боялаб улгурган Турсунов илдамлик билан құмда ётган термосни күтаради-да, қопқоғини очади. Турсунов сари яқынлашган Султонов термосни имсиз-димсиз унинг қўлидан олиб, ичига назар ташлайди.

Султонов. Яхши. (*Қорасочга.*) Яхна фақат сизу Бобо Равшанга. Улуғ Турсунович, иккимиз сабр қиласмиш. Нима дедингиз?

Турсуновдан ишо чиқмайди. Термосни күтарган **Султонов** Қорасоч қошига боради.

Қорасоч. Олдини у кишига.

Султонов беҳуш Бобо Равшан лабига яхнани тутар экан, у аста-секин ўзига келади.

Бобо Равшан. Бутунмисизлар?

Султонов. Ҳа, қўзғалманг, Бобо!

Бобо Равшан. Мен айтай, сиз мағзини чақинг. Бобонгиз бамисоли чўкиртак чинор... Эркаклик омонатини бой бермас...

Қорасоч. Бобонинг сидқу ихлоси — одамийлик.

Султонов. Топиб сўзладингиз...

Бобо Равшан. Ўйқу элитиб, кўз ўнгимда ар-ар тераклар... Қайнарбулоқ жамол кўрсатсами... Шу онимизда уйқу, ғафлат ҳаёт фурсатини талашар... Оёққа босмоқ маслаҳат. (*Силтаниб қўзғалганда назари Қорасочга тушиди.*) Онагинам, аҳволингиз?

Қорасоч. Ойдек. Ўзингиз-чи?

Бобо Равшан. Қорабайирдан йиқилганимда қаттиқроқ оғриганди. (*Осмонни ва сўнгра термосни кузатиб*) Рўшнолик кўрсатмайди-я... Зап қиздирди-ку. Қудуқ тоямасак бўлмас. Харитани узатинг-а! Маконимиз қаер бўпти?

Султонов планшетни тутқазади.

Балли. Мана бу манзилда қудуқ бўлувга тегиш. Комбат Бобо Равшан Эшмат қўрбоши каллакесарларини зир тириқтирган йилларида ана шу қудуқдан сув ичган эди.

Турсунов. Қай бир замонда?

Бобо Равшан. Минг тўққиз юз йигирма тўртинчи йил эди, чори.

Турсунов. Ҳозир эса, олтминг тўртинчи!

Бобо Равшан. Саҳродаги қудуқларнинг умри узоқ бўлади.

Султонов. Қидирганимиз бўлсин. Арқон борми?

Қорасоч. Парашютимни олиб, чилвир тўқишингиз мумкин.

Султонов билан Турсунов парашют устида бош қотиришади.

Султонов. Пакки борми?

Турсунов. Бордай эди. (*Чўнтағига қўл солади.*)
Мана.

Улар парашютни қирқиб, чилвир тўқишига киришилалар. Турсунов Султоновга шипшийди.

Ҳалиги, кўҳна қудуқнинг борлигига ишончингиз комилми?

Султонов. Комил. Толиққанлар ташналигини босиб, ўзимизниам бир-икки қултумдан ичишимизга ишончим комил. (*Термосни қўлига олади.*) Келинглар, биродарлар, қолган яхнани тамадди қиласайлик!

Турсунов. Бу ҳавоий, хомхаёл-ку.

Бобо Равшан (*Султоновга*). Қайдингни ур, ўғлон! Аҳд қилинган ишга ишонч — одам сайқали. Акс ҳолда, тарвуз қўлтиғингда турмайди.

Ҳаммалари бирин-кетин ичишиади. Ўзларнинг биласизлар, чамасида ел-касини қисиб қўйган Турсунов ҳам тегишлисини ютади.

Султонов. Қани, кетдик энди... Зерикманглар. Сув келтиришимизга ишонсаларинг бўлгани. Ҳа, айтгандай, агар изловчилар келиб қолишса, бизсиз учиб кетманглар яна.

Бобо Равшан. Кутамиз, кўнгил тўқ бўлсин.

Султонов билан Турсунов чиқадилар. Қорасоч билан Бобо Равшанинг ўзлари. Шу орада Қорасочнинг ўпкаси тўлиб, йиғлашга тутинади.

Бобо Равшан. Она қизим, бу нимаси! Давюрак учувчига бу айб эмасми!

Қорасоч. Учувчи бўлиб нима каромат кўрсатдим.

Бобо Равшан. Бас қилинг, она қизим, мен ҳам кўнгли бўш одамларданман. Сизга қўшилиб йиғлашим ҳеч гапмас. Қўзидан ёш оқкан чол башарасининг нақадар бад-ҳазмлигидан хабардордирсиз?

Қорасоч. Кечиринг, бошқа йиғламайман. (*Шишиган ўпкасини босмоқчи бўлади.*)

Бобо Равшан. Балли, иш бундай бўпти. Ҳа, айтгандай, сизга афсона сўзлаб бериш ваъдаси бор эди. Дильтаб афсона. Боботоғ этагида нуроний бахши яшармиш. Ёшининг ҳисоб-китобини ҳатто юлдузлар ҳам унтишган. Бели калтакдай, кўзлари ўқдай, юзлари нақшин олма-

дай — ўзи манадай ўтағаси. Ҳар айтган қўшиғига жон берсанг арзийди. Дўмбирашибини созлаб, қиллари бўзлаб, мард Алпомиш ва бокира Ойбарчин, олмос туёқли Бойчибар, тўшлари қордай келинлар ҳақида куйлай кетсами — кўкламги Сирдарё каби ошиб-тошар. Лекин бир афсонани, мағрур лочин ҳақидаги қўшиқни такрор-такрор куйлашни хуш кўрармиш...

Қоронғилик. Саҳна ёришганда самолёт парчалари яқинидаги одамлар, Қорасоч ҳикоясининг бошидаги манзара намоён бўлади. Қорасоч гапларини тамомламоқда.

Қорасоч. Булар қудуқ изидан кетишли. Бир олам вақт ўтсаям, қайтмадилар. Бобо Равшан бир ҳолда, ҳушбехуш, ёрдам бериш қўлимдан келмасди. Чунки ўз аҳволим ҳам оғир эди. Сўнгра бу одам якка қайтдилар. (*Турсунов томон ишора этади.*) Якка ўzlари. Ва чилвир узилиб, Полвон Султонов қудуқ тубида ҳалок бўлди, деган хунук хабарни келтирдилар.

Жимжитлик.

Бобо Равшан. Бу қадарлик разолатга, номусни сариқ чақага сотишга бориб етдингми? (*Бақиради.*) Разолатга-я? Ахир, сени йигирма учинчи йилданоқ билардим-ку. Муқаддас тупроғимиздан бепадар босмачиларнинг ҳаром излари ҳали қуритилмаган кезларда... билардим сени... Эндиғина ўн еттига кирган йигитча эдинг. Бор-йўғи ўн етти. Мен айтай, сиз мағзини чақинг... Илло, у вақтларда сен одам эдинг-ку, Турсунов! Сен одам эдинг... Эслагин-а! Отрядимга келиб, «жанг жадал қўлмоқчиман! Шўро ҳокимияти учун курашмоқчиман», деганингни эслагин-а!. Сани разведкачилар сафиға қўшиб қўйған эдим. Ўшалар эсингдами? Саҳрова қилган урушимиз, юришимиз хотирангдан чиқмагандир?.. Жангчилар ва оту улоқ саҳродағи ташналикка дош беролмай булутдай учишаверди. Шунда разведкага, қудуқ излашга ўзим отландим. Қаватимда сен ва яна бир ёш аскар бор эди. Исми хотирамдан кўтарилипти... Ва биз қудуқни топиб олган эдик...

Қоронғилик чўкади. Сўнгра, ёришганда уфқларга улашиб кетган сарсонқум манзараси пайдо бўлади. Қудуқ. Бобо Равшан, Турсунов ва ёш жангчи қудуқ атроғини «гир» ўраб ётишипти. Ҳансирашдан, юрак депсишидан ўзга, барҳанлардан шувиллаб қўйилган қум шарпасидан бошқа ҳаёт вишонаси сезилмас. Одамлар қулоги дик.

Бобо Равшан (*нимовозда, Турсуновга*). Ҳеч нарса эшитмадингми?

Турсунов. Иўғ-а.

Бобо Равшан (*аскар болага*). Сен-чи?

Аскар бола. Эшифтадим.

Турсунов. Тўхтант!

Багриларини қумга босадилар. Қаёндандир, аҳён-аҳёнда от туёқларига ўхшаш дукур келади. У секин яқинлаша боради.

Бобо Равшан. Ўшалар.

Турсунов. Ўшаларингиз ким?

Бобо Равшан. Газанда босмачилар. Қудуқни улар қўлига топшириш — ўлим. Асло мумкин эмас. (*Қизил аскарга*) Полкка бор. Шошил! Тезроқ отланишсин. Нима қип бўлсаям, чопадиларми, эмакладиларми қудуқ бошига жадал етиб келишсин! Шамолдай уч! Йўқса, қўлдан кетади. Айтганларимни тезроқ етказ! Уқдингми?

Қизил аскар. Уқдим, ўртоқ командир, ҳаммасини!
Бобо Равшан. Ачитиб бос қамчини!

Қизил аскар ўқдай отилади.

— Ерга энгаш, ҳувори!

Қизил аскар икки букилганича, эчкемар каби қумда сузиб, барханлар орқасига қорасини олади. Бобо Равшан билан Улур Турсунов гоҳ уни кузатишар, гоҳ отлар дукурига қулоқ беришади. Бир дақиқадан сўнг улардан узоқлаша борган якка от ғовури эшитилади.

Бобо Равшан (*енгил тортганича*). Етиб боради.

Иккинчи томондан эшитилаётган отлар дукури яқинлашиб келмоқда.

— Қифтингни бос қумга!

Ер бағирлайдилар.

— Босмачилар... разведкаси.

Суқунат. Фақат яқинланмиш отлар дукури. Бўйини чўзинб қарашга тутинган Турсуновга Бобо Равшан бўғилиб ўшқиради.

— Ет дейман, ҳувори! Кўриб қолишади. (*Сўнгра Турсуновга тасалли берганича шипшишади*.) Ўғлим, ваҳима тушаяптими юрагингга? Аста-секин ўрганасан. Авваллари шундай бўлади. Бу ёв билан биринчи бор учрашувинг-а!

Яна жимлик чўкади.

Турсунов (*асабий*). Узангидан оёқ оляптилар...
Бешов.

Бобо Равшан (*аста*). Қўрқма, чўчима, Беллашувга қурбимиз бор. Олдин яқинроқ... келишин, сўнгра... Илло, амримсиз ўқ узмайсан.

Турсунов (*нимовозда*). Кеп қолишиди. Қоралари расмана кўринмоқда.

Бобо Равшан. Сабр... Сабр. Ҳали эрта.

Асабий жимлик **Бобо Равшан** фавқулодда овозининг борича бақириб юборади ва ўт очади.

— **Бошла!**

Турсунов ҳам отишга тутинади. Шу замониёқ босмачилар ҳам ўт очадилар. Отишма анча вақтни олади. Бир вақт **Бобо Равшан** елкасини ушлаганича бир қўзғалади-ю, йиқилади.

— Итдан тарқаганлар! Жойимни солишиди-ёв...

Турсунов. Нима, ўртоқ командир, нима дедингиз? Нима қилди? Үк тегдими?

Бобо Равшан (*тишини-тишига қўйғанича*). Үғлим, шошил... От қўй жангиларимиз томон... Ҳали тузоқдан чиқиб кетиш мумкин. Айтгинки, қуюндеқ учсинлар.

Ўқ овози кучаяди. Турсунов жавоб қайтаришга тутинади.

Бобо Равшан. Чоп! Мен қалқон бўламан. Ўқ узишга қурбим етади.

Турсунов. Кетолмайман!

Бобо Равшан. Отга ўтири, дейман!

Турсунов. Йўқ. Сизни ташлаб кетолмайман. (*Ўқ узмоқда*.)

Бобо Равшан. Бас қил! (*Турсунов ўқ узмоқда*) Қизил аскар Турсунов, буюраман!.. Жўна!

Турсунов. Кетолмайман, ўртоқ командир, кетолмайман.

Бобо Равшан. Буюраман...

Турсунов. Командирни кулфатда қолдириб жуфтак уриш... инсофданми? Кетолмайман!

Отишма тобора зўраяр.

Бобо Равшан. Жўна дейман, мирза ўжар! От қўй, от!

Турсунов. Йўқ-қ.: Бирга бўламиз... Ёнингизда туриш қарзим.

Бобо Равшан. Ҳали ниҳол йигитчасан. Яшашинг керак. Бўйнинг узилади-ку, лодон йигит!

Турсунов. Ёшман... ҳа, жудаям ёшман.: (*Ўқ узади*.) Яшашни истайман. Мен жудаям яшашни истайман! Аммо ўртоқ командир, шундай яшашни истайманки, юзим шувут бўлмасин, умримни илга тизганимда юзим қизармасин.

Бобо Равшан. Мен балки тирик қоларман... Уларни ушлаб турарман... Якка ўзим...

Турсунов. Сизни ташлаб кетолмайман, дедим, кетолмайман.

Бобо Равшан. Охири маротаба айтганим: отлан!

Турсунов. Йўқ.

Бобо Равшан (*милтигини унинг кўкрагига тўғрилаб*). Қўёндай отиб ташлайман!

Турсунов (*босмачиларга ўқ узар экан*). Йўқ! Йўқ-қ! Йўқ-қ-қ!..

Бобо Равшан ҳушидан кетганича ётиб қолади. Нариги томондан, ўқ отилаётган ёқдан бир гала отларнинг дукури эшишилади. Бу босмачиларнинг асосий кучлари қудуқ сари ётиб келмоқда демакдир. Отишма узилмайди.

— Фалчалар, инглиз милтигини сайратишишмоқда! Мени вақима босди-я! Ваҳима! Аммо чекиниб бўпман, кетмайман! (*Кўзида ёш аралаш ўқ узар экан*) Чекиниб бўпман! Якка ўзларини қолдирмайман! Ташламайман! Мана, насибаларинг! Мана! Мана!

Отлар дукури яқинлашиб қолади. Шу чоғда қизил аскар кетган томондан ҳам отлар дукури эшитила бошлайди. Яқинроқ, қаттиқроқ, жадалроқ янграйди отлар дукури. Сўнгра «Ура» тўлқини саҳрони босади. Милтигини маҳкам ушлаган Турсунов рўйхост оёққа босган. Юзларидан дўлана-дўлана ёшлари ўрмалар. Болалардек шўхчан қичқиради у.

— Биродарларимиз! Елкадошларимиз! Бу томон! Командир бундалар! Бундалар!

Қоронғилик. Яна саҳро кўринади. Самолёт парчалари ёнида ўшалар ўтиришипти. Бобо Равшан хотираси оёқламоқда.

Бобо Равшан. Асил одам... Улуғ Турсунов, ўша жанговар йилларда сен ана шундай асил одам эдинг-а!

Чўли ака. Эсимда, ўттизинчи йиллар, бу кишининг одамшавандалиги... Эсимда. Колхоз овозаси эндиғина чиқ-қан пайт. Бор ҳамқишлоқларим колхозга кириб кетишиди, аммо менинг юрагим дов бермасди. Гапнинг ўғил боласини айтсан, ичим ачирди. Умр бўйи ер эгаси бўлиш орзусига ниҳоят эришгандим. Шўро ҳокимияти мени ерли-сувли қиљди. Шу давлатимдан жудо бўлиш — ичимни ачитарди. Иил оғир келиб, ҳосилни шамол олиб кетса бўладими: қаҳатчилик, беморлик илигимни сўрди, қўй-қўзиларим қирилишиди. Биласизки, оғат деган номард якка юрмайди. Бутун қавму қариндошларини эргаштириб, илон тилидек совуқ

қилични ўйнатганича босиб келади. Ҳа-да. Иттифоқо, солиқни тўлаш фурсатиям келиб қолди, лекин чўнтағим қуруқ, омборда шуд ҳам, буд ҳам йўқ. Эсимда, шўро ҳокимияти менга кўп нарса берди, бир чимдимини талаб этмоқда эди. Меҳнаткашларнинг давлатга солиқ тўлаши кераклигини биламану локийин қурбим келмайди Супра қуруқ. Молиячи бўлса чаёндай ёпишиб оларди, гўё мачит ялаган кори дейсиз. Ўзиям бир вақтлар қориллик қилган экан. Агарчандики, Октябрь инқолоби ҳақида оғиз очсами, қуръон туширган одам каби қироатга кириб кетади. Ҳа-да. Келди-да, солиқни талаб этиб ўлтириб олди, мени эса тўлашга қурбим йўқ. Шунда бисотимизда қолган биттаю битта эчкимизни тортиб оламан деса бўладими. Хотиним, бола-чақаларимчуввос йиғлашар, мен-да, ўзимни ушломадим. Оғир кунга қолдик. Ҳа-да. Шу кезда Турсунов йўлиқиб қолди. Тошкентда ўқир экан. Қишлоғимиздаги қариндошинига келган экан. Мен бечоранинг кунига яраб, ёнимга тушса бўладими? Кими бўламан уни? Ҳеч кими...

Қоронғилик. Саҳна ёришганда Чўли аканинг чорбурчак ҳовлиси пайдо бўлади. Қайрағоч тагидаги супа яқинида Чўли ака, юзини ўраган хотини ва Турсунов туришибди.

Чўли ака. Молиячини ҳайдаб юбордингиз-а!

Меҳрихон. Илоё умрингиз узоқ бўлсин, айланай сиздан, ҳайдаб хўп иш қилдингиз.

Чўли ака. Бас қил, хотин. Ақл калта-да. Оқибати нима бўлади?

Турсунов. Нима бўларди! Эрта-метан районга чиқиб, солиқ муҳлатини чўздириб келаман.

Чўли ака. Отангизга раҳмат. Худойим умрингизни узоқ, пешонангизни очиқ қилсин.

Турсунов. Рус оғаларимизда бир ҳикмат бор: худога ишону ақлга ён бер, дейишади. Ҳақ гап.

Чўли ака билан Меҳрихон эътиroz этишга журъат қилолмайдилар.

— Қани, бир-икки оғиз сўзлашайлик-чи.

Чўли ака. Бажонидил. Марҳамат, ичкарига, азиз меҳмоним бўласиз.

Турсунов. Шу ерда, ҳавода бўла қолсин.

Чўли ака. Ихтиёрингиз. Меҳмон истаги — мезбон учун қонун.

Чўли аканинг хотини дастурхон келтириб, жой тузайди. Эркаклар ўтиришади.

— Бор ишингни қил, хотин.

Турсунов. Қўйинг, эшитсинлар. Гапимиз бу кишига ҳам тааллуқдор.

Чўли ака бу гал ҳам эътиroz қилолмайди.

Чўли ака. Майли. Үтири, хотин.

Турсунов. Қондош-жондош шўро ҳокимиятимизга ўз вақтида солиқ тўлолмаганингиз сабаби нимада бўлса, мағзини чақиб кўрдингизми?

Чўли ака. Ҳа-да. Оғир кунда қолдим.

Турсунов. Сабаби, сабаби нимада?

Чўли ака. Худо таоло амри.

Турсунов. Ўша худо билан имомлар, эшонлар маст бўлишаверищсин. Ўз ташвишингиз ҳам етиб-ортар. (*Меҳрихонга.*) Шипиргиларинг бордир?

Меҳрихон. Шипирги? Бор.

Турсунов. Келтириңг.

Чўли ака (*ҳайрон*). Шипиргининг кераги нимада?

Турсунов. Ҳозир биласиз. (*Турсунов Меҳрихон келтирган шипиргидан бир савағични сүгуриб олганича Чўли акага узатади.*) Синдириб кўринг-чи?

Чўли ака. Атиги шуми? (*Кулиб юборади.*) Гўдак ҳам уддасидан чиқади-ку.

Турсунов. Буни-чи? (*Шипиргинни узатади.*) Эгола-сизми?

Чўли ака. Кулманг, яхши йигит. Бутун шипиргинни қайириш полвон қўлидан ҳам келмас-ов.

Турсунов. Мана энди ўзингизга келдингиз. Ҳаттоки, бундай мўрт савағичлардан ясалган шипиргиниям синдириш маҳол гап. Мағзини чақдиларми? Одамлар ҳам шундан қиёс. Бошингизга оғир кун тушганинг сабаби — яккалигингизда. Колхозга кириңг. Акс ҳолда, бечорачиликдан бошингиз чиқмайди. Яккалик кулфати синдиради. Мажбур қилаётганим йўқ. Маслаҳатим. Мағзини чақиб кўринг. Қанча тез шу қаноатта келсангиз, ўзингиз ҳам, бола-чақаларингиз ҳам шунча тез рўшнолик кўрасизлар.

Жимлиқ.

Хотинингиз паранжисини ташламаганига не сабаб? Қишлоқда кўпгина аёллар паранжиларини ёндиришди.

Чўли ака. Мен аллақачон рози. Ўзи кўнмайди.

Турсунов. Ҳали шундайми?

Меҳрихон. Уятаман.

Турсунов. Шунчалик хунукмисиз?

Меҳрихон. Бо-о, нега хунук бўлай? Чўли акангиздан сўранг-чи, нима дер эканлар?

Чўли ака Узингни кўрмагандан кейин, меним гапимга иониб бўтилар. Шаҳарликлар кўрганларига ишонадилар.

Меҳрихон. Сизам хунукка чиқардингизми? (У шу қадар жаҳлга минадики, юзини беркитган ёпингичини олиб ташлагудай бўлади, лекин журъати етмайди.) Уятаман.

Турсунов. Агар хунук бўлмасангиз, олам гулистон. Гўзаллик, чирой — киши қалбининг ойнаси. Гул чиройни ҳаммага завқ бағишлийди, келишган от чавандозга шавқ беради, эркакнинг чиройи барча учун очик. Нега хотин-қизлар ўз чиройларини — табиат гўзалигини одамлар кўзидан узоқ тутиши зарур экан? Юзингизни очинг, опажон, тезроқ очинг! У қуёш учун, осмон учун, хайдар шамол учун, одамлар учун очик бўлиши лозим. Сизни да, шошираётганим йўқ. Ўйлаб кўринг. Қанчалик тез мағзини чаҳсангиз — шунчалик яхши бўлади. Бир кунмас-бир кун, албатта, паранжини ташлашга тўғри келади, лекин фурсатни қўлдан бой бериб қўйсангиз, одамларга изоҳ беришга мажбур бўласиз. Мен бир замонлар хушсурат эдим десангиз-да, одамлар иономайдилар, худди бугун мен иономаганим каби. Ўйлаб кўринг.

Жимлик чўқади. Ташқаридан эшитилган овозлар билан бир вақтда фининспектор ҳамда милиционер кириб келишади.

Фининспектор. Ана шу. Ана шу одам! Мени ҳайдаб солди! Томир олиб кетган хусусий мулкчини ҳимоясига олди. Шўро ҳокимияти вакилини ҳайдаб солса-я, падаргинам!

Турсунов. Бас. Шўро ҳокимияти ҳақида босилган бақадек вақиллашга нима ҳаққингиз бор?

Фининспектор. Гапларини чўтга солиб кўринг-а, ўртоқ милиса, падаргинам, мени — Шўро ҳокимияти вакилини — киройи ҳақорат қилишини қаранг-а?

Милиционер. Бу нима қилганингиз, ўртоқ? Хўш, бу нимаси? Афт-башарангиздан шаҳар кишисига, саводхон одамга ўхтайисизу оғзингиздан боди кириб, шоди чиқади. Сабаб?

Турсунов. Сабабки, бу одам шўро ҳокимиятига доғ туширмоқда. Айтинг-чи, Шўро ҳокимияти сизга камбағалнинг охирги, бир парча ионини тортиб олишни топширганми?

Фининспектор. Солиқлар жамғариш планини бажаришим икки карра иккidek шарт. План бор?

Турсунов. Ҳа-а, план денг! План! Бошлиқлар хурматига сазовор бўлмоқчилар, мана бу одамдан ибрат олиш керак деган мақтоворни эшиитмоқчи эканлар-да. Одамлар арзи додига қулоқ солиш-чи, тушунтириш, жоиз бўлган ўринда солиқ муддатини чўзишга кўмаклашув-чи,— сизга дахлдор эмас. Машмаша. Шундайми?

Финиспектор. Ўртоқ милиса, падаргинам, айбномани тузаверинг. Бу одам ўз бурчини адо этаётган хизматчининг қўлини боғламоқда. Демак, у Шўро ҳокимиятига тескари одам.

Турсунов. Сиз! Шўро ҳокимиятига қарши одамсиз! Солиқларни мажбуран жамғаришда бор ҳунарни ишлатиб, бошлиқлар кўзини бўяйсиз-да, сизларни мен мажбур қилаётганим йўқ, Шўро ҳокимияти мажбур қиляпти каби қўланса сўзларни астагина деҳқонлар қулоғига шипшитасиз. Сиздайлар сир-асрори аён бизга. Сиз Шўро хизматчиси эмас, сиз подшо амалдорисиз!

Финиспектор. Бу ҳақорат. Ўртоқ милиса, падаргинам, айбномани тезроқ тузинг!

Милиционер. Сабр қилинг-эй, бошимни тегирмон тошидай чир айлантириб юбордиларинг. Униси Шўро ҳокимиятига қарши одам — бу деса, буниси — у дейди. Биласизларми, бор-йўғи икки варақ қофоз қолган. Иккита протокол тузаман: сизгаем, у кишигаем.

Турсунов (кулганича). Жуда соз, дўстим! Иккени ёз. Эртага районга бориб ажрим қиласиз ва, албатта, бирини йиртиб ташлашга мажбур бўласан.

Милиционер. Йиртиб ташлайман?

Турсунов. Албатта.

Милиционер. Қофоз увол бўлади. Қофозга камчилмиз. Топдим: икковларингни битта протоколга ураман. Қойилми?

Турсунов. Қойил. Биттага бўлса — биттага. Барни бир ҳақиқат билан туҳматни ажрим қилиш осон гап.

Милиционер. Турган гап. Милицияни алдаб бўпсиз. Сираси шу: икковларингни битта протоколга ураман. Гаштми?

Турсунов. Зўр!

Қоронғилик. Яна саҳро манзараси пайдо бўлади. Чўли ака ўз ҳикоясини тамомламоқда.

Чўли ака. Эру хотин иккимиз бу яхшиликни кўп йиллар эслаб юрдик. Солиқ муддатини чўзиб беришди. Бунинг ёрдамида. Бу яна бир яхшилик қилди. Биз тез кунда колхозга кирдик, хотиним паранжини ташлади. Хулласи калом,

Үттизинчىй ийлларда мен Турсуновни ана шундай одам қиё
фасида күргандим. На қариндоши ва на дўсти бўлмаган бир
одамга меҳр қўлини чўзганди.

Бобо Равшан. Ҳа-а, Турсунов, қандай касофат ур-
дию тойиб кетдинг? Сен билан талай ийллар учрашмадик,
ҳаёт бизни тўзғитиб юборди. Аммо пою қадамингдан ха-
бардор, парвозингдан шод эдим... Ҳаёлимда ўша навқирон
қизил аскар сиймоси турарди. Сен катта одам бўлиб кет-
динг. Газеталарда ўқиганимда сен учун, одам боласи учун
теримга сиғмасдим. Чунончи, баланд эътиборга эришган
одам кўп яхшиликлар қилиши мумкин.

Султонов. Ё ёмонлик. Мен учратганимда бу одам
фақат ўз қадри учун қайғирувчи шахс бўлиб қолган эди.
Айтмоқчи бўлган воқеа қирқ тўртинчи йилда, фронтда юз
берганди. У кезларда қаршимда баттол, худбин кимса тур-
ганини чуқур англамаган эканман. Энди англадим. Ўша
кезлардаёқ одам танимай қўйган эди. Фақат ўзи бўлса,
фақат ўз ғалабаси бўлса бўлгани.

Коронифилик. Сўнгра, Польша ўрмонларида жойлашган овчилар уйидан
бири кўринади. Чамаси, урушдан олдин бу хона бой ва бойваччалар-
нинг учрашадиган макони бўлган. Ҳозир ҳам уруш бўлишига қара-
масдан, ўша даблабали ҳаётнинг изи бор. Лекин уруш манзараси
сезилиб турипти: буни плашпалатка билан тўсилган деразадан ҳам,
шинам кресло ёнидаги яшиклардан ҳам, девордаги оёғи осмондан кел-
ган картинадан ҳам англаш мумкин. Фақат камин ва унинг устида
осилган йиртқич тўнғизнинг боши ўтган кунлар ёдгорлигидай туюлар.
Хонада Турсунов. Устида гимнастёрка ва кифтида майорлик погон-
лари. Хонанинг у бошидан-бу бошига қатнаб, ёзма машинка ёнида ўти-
ран сержант қиз Соњяга ёздирмоқда. Стол усти ўлжага олинган вино
шишалар билан тўлган. Турсуновнинг кайфи чоғ экани ҳамма нарса-
дан сезилиб турипти.

Турсунов (ёздира). Хуллас калом, полк зиммасига
юқлатилган жанговар вазифа муддатидан бир кун олдин
бажарилди. Нўхта. Нодир жонбозлик кўрсатишган солдат,
сержант ва офицерларни мукофотга тақдим қилмоқдаман.
Нўхта. Иловаси: рўйхат ва қисқача жанговарлик характе-
ристика. Имзо, ҳамиша чекиладиган имзо, полк команди-
ри, гвардия майори... (Машинка овози таққа тўхтаб қола-
ди. Соњяга орқа бериб, қадаҳга май тўлдириши билан банд
Турсунов таажжубланганича ўгирилади.)

Бу нимаси?

Соня йигига тутинган. Қўлидаги қадаҳ билан унинг ёнига яқинлаш-
ган Турсунов, Соњанинг ерга энгашганди бошини бир қўли билан
хўқмёна кўтариб, унга тикилади.

— Нимаси бу?

Соня. Бугун ошхона ёнидан ўтаётиб, орқамдан отилган аччиқ кесатигни эшишиб қолдим: ППЖ.

Турсунов. Нима, нима?

Соня. ППЖ. Эшигандирсиз. Яъни, полевая походная жена, деганлари. (*Соня ўпкасини босолмас. Турсунов лабларидан ип қочар.*)

Турсунов. Эшиговдим. ППЖ... Вой, зангарлар-эй, зап топиб тўқишилтими-а!..

Соня. Ҳа, куласиз-да... Бу топиб тўқилган нақлдан сизга кулги-ю, мен ношудга кўз ёш.

Турсунов. Кўз ёш? У нимаси? Фикримча, қанотимда бўлишдан озор чекканингча йўқ эди-ку?

Соня. Кейин... Кейинисига нима бўлади?

Турсунов. Э,вой, қўй буни. Урушдан кейинги саводга бош қотириш — беҳожат фол. Галаба кунларигача бормизми, йўқмизми... пешонага ҳавола.

Соня. Борди-ю, пешонамиз очилиб, тирик қолсак-чи?

Турсунов. Тирик қолсакми? Ҳар тўқисда бир айб бўлса бордир, аммо ғолибларда айб бўлмас. Уруш барча қилмиш-қидирмишимиз бошидан сув қуяди, нозанин.

Соня кўз ёшини босолмайди.

Ке, қўй, йиғлама! Шундай кунда кўз ёш қилганингни қара-я. Полкимиз ғалаба тантанаси билан хурраму бўларбўлмас нарсага сенинг осмонранг кўзларингда булат. Ке, арт кўзларингни, ма, майни сипкор, дўндиғим, мени бир ўпгин-а.

Соня бўйин тобламай унинг истакларини қондиради.

Иш мундоғ бўпти-да. Ана шундай шайдо чеҳранг мафтуниман, Жамилам.

Соня (бошини икки қўли орасига олганича). Бошимни қайга урсам? Қайга? Сизни жонимдан ҳам азиз кўриб қолдим. Севаман! Раҳмсиз овчидаи қўл-оёғимга киshan солдингиз, ақалли...

Турсунов. Мен-чи? Мен ҳам сени севиб қолдим.

Соня. Бекор гап. Сиз шунчаки, ўзингизни овутиш учун...

Турсунов. Тавба. Нима қилсан менга ишонасан?.. Уруш бўлса. Сенга қилча ёмонликни соғинган одам эмасман, билиб қўй.

Соня. Чинингизми?

Турсунов. Албатта-да, аст бўламан ёр, маст бўламан ёр!..

Эшик тақиллаб қолади.

Кирилсин!

Лейтенант Полвон Султонов останани босади.

Султонов. Үртоқ гвардия майори, мурожаат қилишга ижозатингизни сўрайман?

Турсунов. А-а, лейтенант Султонов, кир. Қандай лавозимат?

Султонов. Шахсий масала юзасидан мурожаат этишга ижозатингизни сўрайман?

Турсунов. Ижозат этдим. (Соняга) Сержант Медведева, сизга жавоб. (Хужжатга имзо чекади.) Штаб бошлиғига етказинг.

Соня. Хўп. (Хужжатни ола чиқади.)

Турсунов. Ўтири.

Султонов ўтиради.

— Умрингда графлар курсисида ўтирганинг борми?

Султонов. Фурсати бўлмаган.

Турсунов. Фурсати келган экан, ўтириб қол, лейтенант. Урушдан аввал бу макон ов манзилгоҳи бўлган чоғи. Ё Потоцкий ва ёки Радзивиль деган зот мулки. Аナンининг бадбуруш важоҳатига қарагин-а? (Девордаги тўнғиз калласига шора қиласди.) Аммо-локийин бизларни қўрқитиб бўлтилар. Лейтенант, Европага қадам босдик-а,вой? Рустаму достондай жанг қилиш мундоғ бўлади-да. Биз ҳам чакана жангчилар эмас. Қандоғ операция дўндирилди-я! Яна муддатидан бир кун олдин. Бугун оқидан отилса арзиди, қани ол-чи! (Қадаҳларни тўлдиради.) Ғалаба учун! Бизни ғалаба сари бошловчи падаримиз учун!

Ичишади.

— Ҳўш, айт гапингни, оғзингга сиққанини сўраб қол. Қўлим очиқ бугун.

Султонов. Менга взводни топширишингизни сўрайман.

Турсунов. Взвод? Полк штабида ишлаш хуш келмай қолди, де? Бошлиқлар билан тил тополмай қолдингми? Эшитишинга кўра, сендан розилар-ку. Ўтказилган операция учун мукофотгаям қўйилдинг. Тўғри, ҳозирча бор-йўғи «Жанговар хизматлари учун» медалига. Лекин буни хамир учидан патир ўрнида кўрасан. Ҳалиги, Тёркин ҳикмати ёдингдадир: «Не гляди, что на груди, а гляди, что впереди».

Султонов. Ҳали мукофотга арзирли хизмат қилолганимча йўқ.

Турсунов. Бу томонини, жонидан акаси, бизларга, бошлиқларга қўйиб берасиз.

Султонов. Шундаям менга взводий топширишингизни сўрайман. Ниятим жанг майдонида...

Турсунов. Бу ер жанг майдонининг ўртаси бўлмай, амакингиз томорқасими? Билишимча, корпус штабида эмас, полк штабида ишлаётганингни унутиб қўйганга ўхшайсан. Мукофот ундиришним қулай жойи-ку бу!

Султонов. Сиздан ўтиниб сўрайман.

Турсунов. Эсинг жойидами ўзи? Медалдан воз кечиб, қулинг ўргилсин ишдан қўл силтаб, нимага эришмоқчисан? Ахир, оператив бўлимдасан-а. Ёки муҳаббат балосига мубтало бўлдиларми! Қиё боқмай куйдириди, де? Ҳай, тағин ўша қўнгиллари бизнинг Соняхонга тушган бўлмасин? Бисмиллосини айтиб қўяй: сарсон қиласидар ўзларини.

Султонов. Уртоқ гвардия майори, очигини айтсам?

Турсунов. Қани, эшитайлик.

Султонов. Бажараётган ишимдан маъно кўрмадим.

Турсунов. Хира, гўдакчасига хира мулоҳаза. Мақсадларининг пўскалласи нимада, лўндасидан келинг.

Султонов. Гапнинг лўндасими? Бу операцияни ҳозирлашга бир ҳафта вақт кетган эди. Душманни икки биқинидан ёриб ўтиш нияти тикка ҳужумга пайванд қилингани ҳолда режалар тузилди. Сиз эса барчасини писанд қўймай, полкни тўғричаси, душманнинг қоқ пешонасидан ҳужумга бошладингиз.

Турсунов (хандон уради). Суворовчаси-да. Тезлик ва зўрлик.

Султонов. Берилган қурбонлар-чи? Олдинги, яъни бараварига, ҳар тарафлама яқдил ҳужум қилиш режамиз амалга оширилганида кўп одамларимизни омон сақлаган бўлардик.

Турсунов. Йигит, талафот махражи урушдан сўнг чўтга солинади. Лермонтовнинг «Бородино»сида айтилгандари эсингдами?

Вот затрещали барабаны,
И отступили басурманы,
Тогда (бармоини бигиз қиласи).
Тогда считать мы стали раны,
Товаришей считать.

Жанг жадалда, лейтенант, ғалабанигина санаш шарт. Қай биримизнинг чўтимизда ғалаба кўп бўлса, ўша яхши командирлар даврасида юради. Тепаликни штурм билан олиб, бир кунни ютдик. Ана шундай омилликлар жами орзиқиб кутилган ғалаба кунларини тезлатар, лейтенант.

Султонов. Аммо натижа пуччиқди-ку. Биз барі бир илгәри, құшнilarимиз етиб келишмагунича олға томон жилолмаслигимиз аниқ-ку!

Турсунов. Бу энди уларнинг иши, тошиниң ўзлари чақаверсиллар... Орқада қолиб кетгандан кейин Мана, ким қай маҳорат билан жанг қилаётгани оппа-ойдин бўлди-қўйди. Одамларимиз ортиқча бир кун дам олишади. Емонми?

Султонов. Ҳа, тирик қолганлари дам олишади. Ўлганлари-чи, улар нима қилишади?

Турсунов. Ҳой, лейтенант, тўғри, бугун қўлимам, кўнглимам очиқ, лекин қуюшқондан чиқма. Билгацингни қил, взводни бошқаришни истасанг — берганим бўлсин. Аммо-локийин ионушта қаймоғига тушган пашшадек таъбимни хуфтон айлама. Ахир, мени қўмондоннинг ўзлари табриклидилар-а!

Коронилик. Яна саҳро манзараси кўринур. Полвон Султонов ҳикоясини тамомламоқда.

Султонов. Взводни беришди. Кўп ўтмай ярадор бўлдим, бошқа бўлинмага тушиб қолдим. Ниҳоят, уруш ҳам тугади. Мен ўқишига отландим ва то бизнинг областимизга ишга келганига қадар Турсуновни қўздан йўқотиб қўйдим. Аммо ўша суҳбатимиз ҳамон эсимда. Ҳақиқат ким томонда?— саволи тинмай бошимда айланарди. Жангу жадал талафотсиз бўлмайди, қай бири ўринли-ю, қай бири ўринсиз талафот эканини ажрим этиш мушкул, деган фикр билан ўзимни совутмоқчи бўлардим.

Бобо Равшан. Ҳатто гражданлар урушидаям, оту «максим» пулемёти ягона техникамиз бўлган кезлардаям, биз ноўрин талафотга йўл қўймасликка тиришардик. Йўқ, бу ўринда гап урушда эмас...

Чўлиака. Ҳа-да, Бобо Равшан, ҳақ гапни айтдингиз. Турсунов ғайир, бераҳм одам бўлиб кетган. Унинг ўттизинчи йилларда қандоқ одам бўлганини сизларга сўзлаб берган әдим, энди эллигинчи йилларда учраганимда нечук кишига қарши келганимни тингланг. Ўша йили пешонамизга яна оғир, ажриқча ағанатадигон кунлар тушди. Менгагина эмас, бутун «Чорвадор» колхозига оғир бўлди.

Коронилик. Саҳро чекилиб, Турсуновнинг қабулхонаси пайдо бўлур. Тўрдаги ёнғоқ дараҳтидан ясалган эшик кабинетига, чап биқинидаги дарча қабулхонага йўл очади. Чамаси, бюро мажлиси бошланган. Папка, қофоз қўлтиқлаган одамлар унсиз-димсиз кириб-чиқиб туришибди; Қабулхонадаги беш-олти киши навбат кутганича, мажлисга ҳозирлик кўрмоқда. Хона ўртасида ўйчанлиги салобатига ярашмай

турган Чўли ака. Ўнинг бу ҳолатини шаддод юриб кириб келган
Қорасоч бузади.

Қорасоч. Жанжални катта қилмоқчилар шекилли?

Чўли ака. Не билай, Қорасоч опа, айил ботадиган
гапларга қолдим.

Қорасоч (*учувчи кителининг тугмаларини бўшата*).
Сурункасига икки йил қурғоқчиллик бўлгани аниқми?

Чўли ака. Аниқ.

Қорасоч. Қорасовуқ қутургани, чўлу биёбонни муз
қоплагани аниқми?

Чўли ака. Аниқ-да!

Қорасоч. Жонивор қўю қўзиларнинг муз ёриб озуқа
ололмаслиги аниқми?

Чўли ака. Беш қўлдай аниқ.

Қорасоч. Қўйларни очлик оғатидан омон сақлаш ме-
ним командамга топширилгани; самолётларда озуқа етка-
зиз бериш меним зиммамга юклатилгани аниқми?

Сукут.

— Саволимга жавоб бермадингиз: аниқми, йўқми?

Чўли ака (*жадал саволлар мантиқини энди англаб-
ган*). Йўғ-эй... қўйинг, илло-билло, буниси аниқмас!

Қорасоч. Нега? Нега аниқ бўлмасин!?

Чўли ака. Қорасоч опа, номаъкул бузоқнинг гўшти-
ни еганимча йўқ. Одам иси ёқмаган телба ҳам эмасман.
Ўзим жавоб бераман!. Раҳмат, дилимга қувват бердингиз...
Барака тоғинг!

Енгоқ эшик очилиб, саркотиб чиқиб келади.

Саркотиб. «Чорвадор» колхози иши билан чақирил-
ганлар?

Чўли ака. Биз...

Қорасоч.

Саркотиб. Киринглар!

Шу дақиқада қабулхонага шошганларича Мәҳрихон ая билан
жуда ёш Жумагул кириб келишади.

Мәҳрихон ая (*Чўли акага*) Отаси, маслаҳатим...

Чўли ака. Ташибишланма. Кейин гаплашамиз...

Ичкари кирадилар. Мәҳрихон ая билан Жумагул қабулхо-
нада қолишади.

Меҳрихон ая. Ҳа, аттанг... Болам Жумагул, ту-тантририғи йўқ гаплар қилишмасмикан-а?

Жумагул. Меҳрихон ая, секинроқ... бу ерда... (Атро-фига ишора қиласди.)

Меҳрихон ая. Бо-о, «секинроққа» бало борми? Ҳой, қизгина, палағда борди-келдиларга, оғзининг турми йўқ одамларга эътиroz билдириш шарт бўлган қезларда, билгинки, зоотехник онанг тинч туролмайди.

Жумагул (ялиниб, эланади). Дим яхши... Аяжон, мен-да, Қизилқум чорвадорлари хизматида бўлсан?.. Сиз билан боражакман.

Меҳрихон ая (Жумагулнинг тиззасидан тўрт энли баланд кўйлагини, нозик белини, «лайлак ини» соchlарини истеҳзоли назаридан кечира). Ҳм-м... Чўлда, қоракўл қўйлари орасида катта шаҳар борди-келдиларидан, ҳалиги рақслар — ўнгга ташланг, учирив ташланг, гажжак ташланг қабилидаги «буғи-муғи»лардан асар ҳам йўқ, қизгина, зерикмайсанми?

Жумагул (маъюс). Улли ая, биз ёш ҳамшираларни шунчалик ғаддор одам ўрнида кўрасизми? Ешларга ион-маслик...

Меҳрихон ая. Ҳа-а, жаҳлинг чиқдими?.. Тузук, жаҳлинг чиқса, тузук экансан. Сенинг жаҳлинг клиника-ларингдаги доцент Парпиев жоҳиллигини эслатди. Олт-мишни уриб қўйган башара, куни кеча соchlарини бўяб палатага кириб келса бўладими? Вазни сакта...

Жумагул (кулгисини зўрлаб босганича). Насини айтасиз?

Меҳрихон ая. ...Ҳой, доцент, жинни-минни бўлдингизми? Бу нимаси?— саволи оғзимдан чиқиши билан куйдирган калладай тиржайиб, жавобини ёқамга ёпиштириди: «Ўр-т-о-о-қ зоотехник, азиз беморим, узр, кўнгил ёшликни ва ёшларни истайди»,— дейди-я... Ҳой, доцент Парпиев, ўша ёшликни ва ёшларни истайдиган бачканга кўнгилни белингизга пайванд қилиб боқинг, яна «шиқ» этиб ошиғидан чиқа қайишиб кетмасин?!— десам-да, тиржаяди... Куйдирган калла!

Жумагул (пик-пик кула). Лақаблари: женъшенбоз—қазихўр доцент... Зира-пиёзли қазининг ҳидидан яқинига бориб бўлмайди...

Меҳрихон ая. Тепилмаган лойдан ясалиб, сояси салқинда қуритилган «ҳийлайи найранг» эркак, деб шунақасини айтади. Ундай меҳригиёси заволлардан қўрқмоқ кепрак. Мана бугун...

Шу паллада ёнгоқ эшик оилиб, оёқлари унда-мунда, хўзлари хона-
сидан отилиб чиқсан Чўли ака, ер билан битта Қорасоч пай-
до бўлишади. Меҳрихон ая улар сари борар экан...

Чўли ака. Турсунов... олди... Партибилетимни... ол-
ди-я?!

Меҳрихон ая. Ирода, отаси, ирода! Заифликка
йўл очманг...

Қабулхонадагилар улар атрофига ҳангуга мавг.

Чўли ака. Ҳу-у... партибилетимнику-я чўпонлик қи-
либ бўлсаям қайтиб оларман. Буниси оппа-ойдин! Аммо...
дандони карнай, дийдаси тоштүёқ Турсуновга ўхшашлар...

Қорасоч алланечук бўлиб кетади.

...имонимни, партияга бўлган ишончимни кемирмасалар
бас!.. Чўпон жони она қўй туёғидан ҳам қаттиқ!

Стаканга қаноат қилмай, графинни кўтаради. Қоронгилик. Яна саҳро
манзараси. Чўли ака ҳикояси давом этмоқда.

— Турсунов қилмиши — чумчук тутгани овчи шукуҳидай
сўнди. Партибилетимни қайтариб олдим. Аммо Турсуновнинг
бу бемеҳрлиги бир замонлар қилган олиҳиммати боисида
унга нисбатан туғилган ҳурматимни чил-чил синдириди. Бу,
ойцадек тикиқ ҳақиқатимни букиб ташламоқни мақсад қил-
ди, гўё мен инсон боласи эмас, бир занг босган мих, майда
мурват.

Султонов. Балли! Урушми, тинчлик даврими... бу-
нинг ҳазарида ўзидан бошқа одамлар фақат майда мурват,
занг босган мих.

Турсунов. Замон-чи? Қандай замон эди? Олға, иш-
қилиб, фақат олға босишни талаб қиласарди! Қон тўкиб, жон
бериб бўлса-да,— олға!

Султонов. Жиноятни замон елкасига юкламоқчи бў-
ласиз-да! Қандай замон юз бергани барчамизга аён. Баъ-
зилар унинг тенги йўқ талабларидан илҳомланишган бў-
лишса, баъзи бирлар у замоннинг таги паст томонларига
бўйсунишган. Бу, Турсунов, шахсга сифиниш даврининг энг
иғлос, таги паст талабларига осонликча бўй берган кимса-
лардан. Соғлом дараҳт ҳатто тўфон дағдағасига ҳам дош
беради. Томир-помири билан қўпориб ташланса ҳам, син-
майди, эгилмайди. Чиригани эса мўрт-да, сағалга синади,
снгил-елпи шамолга ҳам икки букилиб таъзим қиласади. Турсу-
нов ҳам худди шундай, ичи пўк, одамзод оқоваси. Қай-
вақтда бу кўчага кирганини, чирий бошлаганини аниқлаш
қиёфада гап, лекин кўпдан бери шу қиёфада...

У оғир қунларни ҳаммамиз ҳам бошимиздан ўтказдик, бирор ундей, бирор бундай. Халқ эса у замон синовларидан ҳам ғолиб чиқди, аммо баъзилар синдилар, бу одам ана шулар, синганлар жумласидан...

Парда

ИҚКИНЧИ ПАРДА

Уша саҳро. Қуёш тиғда. Ҳатто қумни-да симобга айлантиргудай. Уша мәңзара. Самолёт синиқлари ёнидаги күнгилсиз суҳбат давом этмоқда.

Султонов. Бу кўпдан бери шу қиёфада, ўз мантиқига сөдиқ. У оғир қунларни ҳаммамиз ҳам бошимиздан кеширдик, бирор ундей, бирор мундай. Халқ эса ғолиб чиқди, аммо баъзилар синдилар, бу одам ана шулар, синганлар жумласидан...

Жимлик

Қорасоч. Энди мен гапираман. Кўп замонлар чурқ этмадим. Қалб ҳасратим, фақат якка ўзимга аён ҳасратим... Шу чоққача бунга шахсий иш тариқасида қараб келардим. Энди англашимча — ундей эмас экан.

Эллик иккинчи йилда мен йигирмага тўлдим ва қиз қалбимда Улуғ Турсуновга нисбатан севги уйғонди. Ҳа-ҳа, бу кишини севиб қолдим. Балки енгилтаклиқ қилгандирман, файзли иш бўлмагандир, қайдам, бироқ ўзга иложим ҳам, мажолим ҳам йўқ эди. Бу — йигирмага кирган қизгинанинг дастлабки севгиси, чапиор баҳори... Назаримда, қиз шуурида энг азиз одам, энг яқин, энг ширин жон шу киши эди. Қунлардан бирида...

Саҳро чекинади. Кўча. Ярим кечалар чамаси. Қорасини мажнунтол орқасига олган Қорасоч турипти. Тўсатдан кўча ёришиб кетади. Мотор овози. Машина тўхтайди. Эшиги «так» этиб ёпилиши билан машина жўнаб қолади. Мотор шовқини аста-секин сўнади ҳам. Улуғ Турсунов кўринади. Қорасоч тол орқасидан чиқиб, унга тўғри бўлади. Ой нури икки одамнинг юз-кўзларида ўйнар.

— Улуғ Турсунович...

Турсунов (орқасига қайрилиб). Қорасоч?

Қорасоч. Ҳа, бу мен, Улуғ Турсунович.

Турсунов. Бемаҳалда нима қип юрибсиз? Тун бир довон ошиди-ку?

Қорасоч. Сизни кутдим.

Турсунов. Ажаб, ярим кечада, яна кўчада кутишнинг нима ҳожати бор экан? Телефон қилсангиз, учрашув маслаҳатини қнаардик-қўярдик.

Қорасоч (ҳазин). Ўн кун уриндиму телефонда сиз билан сўзлашомадим.

Турсунов. Ҳа, начора... Ниҳоятда бандман... шу кунларда... Иш ачиб кетди. Мана қаранг-а, ҳозир ярим тун, мен бечора эса ҳали-замон тугаган мажлисдан келяпман.

Қорасоч. Илгарилари мен учун ҳам вақт топа олардингиз.

Турсунов. Қорасочбегим, таъналарингиз ўринсиз. Чиндан ҳам жуда-жуда бандман.

Қорасоч. Жуда банд эканингиздан хабарим бор. Ҳамиша бандсиз. (*Бир лаҳзалик сукутдан сўнг.*) Таъна қилишдан ҳам узоқман, Улуғ Турсунович, мени ваҳима чулғамоқда, мени...

Турсунов (*сохта кулгига*). Шўрлик қизалоқ! Танҳо ўзингиз ярим тунда кўча кезганингиздан сўнг, албатта, ваҳима босади-да. Кўпдан бери мени кутасизми?

Қорасоч. Бир олам вақт кечди.

Турсунов. Афсуски, машинамга жавоб бервордин. Мени кечиринг. Қорасочбегим, сизни уйингизгача кузатолмайман, эртан, каллаи саҳардан оёқда бўлишим шарт. Фоятда серташвиши кун кутмоқда мени. (*Эснаганича.*) Ке чирасиз. Яқин кунларда учрашармиз.

Қорасоч (ғамгин). Учрашувимиз гумон, Улуғ Турсунович. Қалбим сезгандай — учрашувимиз гумон. Бу сўнггиси.

Турсунов. Одам нафасини бунчалик совуқ қилмайди. Тундаги ҳазин хаёлотлар кун отиши билан тарқалар. Сўнгра, кулбам остонасида соқчилик қилавериб ҳам толиқ-кан кўринасиз. (*Яна сохта кулги*) Милиционерлар қадрига етгандирсиз энди? Кўйинг, чеҳрангизни очинг-а! Табассум сизга беҳад ярашади.

Қорасоч. Энди табассум, кулги мен учун бегона. Улуғ Турсунович, кўнглингиз мендан қайтган. Мени севмай кўйдингиз...

Турсунов. Бекор гап, кўнглим қайтган эмас.

Қорасоч (шодланаб). Наҳотки?.. Чинингизми? (*Кўкрагига бошини қўяди, Турсунов тўшига тортади уни.*)

Турсунов (*шаҳвоний ҳаяжонда*). Уйга кирамиз.

Қорасоч. Киролмайман, Улуғ Турсунович, киролмайман.

Турсунов. Сиз, ахир, мени излаб келдингизми?

Қорасоч. Фақат кўрмоқчи, сиз билан иккى оғиз сўзлашмоқчи эдим, холос. Ҷаҳлингиз чиқмасин, Улуғ Турсунович, киролмайман.

Турсунов. Авваллари-чи? Уйимга киришингиз...
юринг, Қорасочбегим, тезроқ?

Қорасоч. Киролмайман. Сизни жонимдан ортиқ күрганим, рост.

Турсунов. Боиси нимада ахир?

Қорасоч. Йўқ. Энди киролмайман. Ҳаққим йўқ...

Турсунов. Сабаби нимада? Айтинг.

Қорасоч. Улуғ Турсунович, сиз катта одамсиз, доносиз. Наҳотки тушунмайсиз?

Турсунов. Нимани? Нимани тушунишим лозим?

Қорасоч. Шундай сўзлар борки, меним ахволимга дучор бўлган қиз учун айтиш ўлимдан ҳам қийин.(Бошини унинг кўксига қаттиқроқ босиб олади. Улуғ Турсунов Қорасоч бошини ўз кўксидан узганича кўзларига узоқ тикилади.)

Турсунов (вазмин). Она бўлиш ҳозирлигингиз борми? Шундоқми?

Қорасоч (маъюс). Ҳа, шундай. Бундан буёқ ҳалол хотинингиз бўлганимдан сўнггина уйингизга кириш имумкин. Ёки умрбод кирмаслик. Мендан хафа бўлманг. Барига айбдор якка ўзим. Мен нодон, енгилтабият нарса оқибатини, қилмишнимнинг жиддий довонини ўйламаган эканман.

Турсунов. Тўғри. Вазият ниҳоятда жиддий... Қорасоч, сизга уйланолмайман.

Қорасоч (бўйин товлаб). Биламан. Мени иззат қилмайсиз.

Турсунов. Бу йўнилмаган таёқдай гапнинг нимадаҳли бор? Гўдак мулоҳазаларингизга ҳайронман.

Қорасоч. Биламан. Мени севмайсиз.

Турсунов. Йўқ. Севаман сизни. Сизсиз ҳаёт кечириш бениҳоя оғир мен учун.

Қорасоч. Мен ҳамиша ёнингизда бўламан, ҳамиша, кет демагунингизча.

Турсунов (бошини тебратганича). Иложи йўқ.

Қорасоч. Иложи йўқ? Ахир, бўйдоқсиз-ку.

Турсунов. Қорасоч, дунёда ундан ҳам жиддийроқ нарсалар бор.

Қорасоч. Қандай нарса?

Турсунов. Бу кўчада гапирадиган гап эмас. Юринг, ичкарига кирайлик.

Қорасоч. Йўқ. Уйингизга киролмайман. Шу жойда айта қолинг.

Турсунов (вазмин). Ҳа, майли. Бари бир сизга етиб келади. Бундан ўн кун бурун акангиз қамоқقا олинди.

Қорасоч. Пўлат акам? Ӯхшамаган гап! Янглишган-

дирсиз! У киший Андижонга, командировкага кетганилар.
Тезда қайтсалар керак. Янжиндингиз... бошқадир...

Турсунов. Энди қайтмайди. Тажангизга ўйлаб кўринг, ахир? Халқ душманининг синглисини хотин қилолмайман. Тушунинг-да!

Қорасоч. Халқ душмани? Бекор... ёлғон, бекор гап! Пўлат акамдай одам асло халқ душмани бўлолмайди!

Турсунов. Душманлик айби билан қамалган.

Қорасоч. Бу хато!

Турсунов. Бундай қозик ишлар билан шуғулланувчи идора хато қилмайди.

Қорасоч. Сиз ҳам шу гапга ишондингизми? Пўлат акамни яхши билардингиз-ку. Жонидан кечиб, сизни, ярадор командирни жанг майдонидан олиб чиққану ўзи бир қўлидан жудо бўлган. Ўнинг чин инсон ва матонатли коммунист эканини билардингиз-ку! Қанча-қанча йиллар бирга ишлашган эдинглар!

Турсунов. Мен бўйнимга олдим: билмаган эканман, кўр эканман, дедим.

Қорасоч (*нафас сақлаб, оҳиста*). Сизни мажбур қилгандирлар, а-а?

Турсунов (*гайирлик билан*). Яккаш эсингизда бўлсин: Улуғ Турсуновни мажбур этадигон одам ҳали туғилганича йўқ. Биз буюк инсоннинг муҳтарам номи билан нурафшон замонда яшамоқдамиз. Ниятим: шундай замонга татийдирғон одам бўлиш. Мисли қўрилмаган тарихий давр соатининг бир мурвати, майда винтчаси бўлолсам ўзимни баҳтиёр ҳисоблардим. Агарки, буюк падар ва ё унинг амри билан иш кўрувчилар: «Бу одам душман» десалар, кўрсатилган душманни ўз қўллим билан, мана шу қўлларим билан «хиппа» бўғиб ташлашга қодирман.

Қорасоч. Ахир у душман эмас-ку! Акамларни дунёда иккита одам яхши билса, биттаси сиз эдингиз? Иродаси метин одамсиз, сизга қулоқ солишади! Айтинг, айтинг, бу хато денг!

Турсунов. Хато бўлиши мутлақо мумкинмас, ақлга сиғмайдиган гап.

Қорасоч. Чўли ака — ҳақ! Мехри тош одамсиз. Йўқ-қ.-қ., сиз одам боласи — тирик жон эмассиз, машинасиз, шафқатсиз, илондай совуқ машинасиз.

Турсунов у томон қўлини чўзар экан, Қорасоч сесканганича орқасига тисланади.

— Сиздан ҳазар қиласман! Сиздан бўлган боладан қўрқаман! Иттифоқо, унинг суяги ҳам сизникига ўхшаб қотса-я?

Турсунов. Үзингизни босинг, Қорасоч, босинг үзингизни. Сиз ҳаяжон тұлқинида оғир, гуноҳ гаплар қылмоқдасиз.

Қорасоч. Ҳа, мен оғир гап қилдим. Аёл нарса, әртага она бүлғуси киши айтиши мүмкін бўлган энг оғир гапни тўкиб солдим. Шунинг учун айтдимки, сиздан ҳазар қиласман. Тошдай зил сўзларингиздан қўрқаман. Сўзларингиз мени фафлат сари бошламоқда, устимга тириклай тупроқ тортмоқда!

Турсунов. Қорасоч, тинчланинг. Сизга уйланолмайман, лекин ташлаб ҳам қўймайман. Бола ҳам кўчада қолмайди. Биз учрашиб турамиз...

Қорасоч. Лаббай? Сиз билан учрашиб туриш? Яна мана шу бағримга босиб, эркалашимният истарсиз? Туғлимиш боланинг хатти-ҳаракатларида сизнинг қиёғангизга хос белгиларни излаб ўтирасам-а? Шунча можаролардан кейин сиздай кимса, сиздай кибор буни айтишга уялмадингизми? Кишини тириклай ўлдирвучи, тошдай зил сўзларингиздан кейин-а?

Турсунов. Үзингизни босинг, Қорасоч, оғир бўлиш керак.

Қорасоч. Мени тинч қўйинг, тинч! Бақираман. Одамларни чақираман. Менга қўл чўзишар-ку... Дунёда чин инсонлар ҳам бордир-ку... Одамлар! Одамлар!

Қалтироқ босган Турсуновни қоронғилик ютади. Ой зиёси Қорасоч юзларини бир дам ёритиб турар. Юзларида азоб, нафрат, даҳшат ва фақат икки қора кўзидагина умид нишоналари ўйнайди. Қоронғилик. Яна саҳро манзараси. Қорасоч ҳикоясини тугалламоқда.

— Мен ўлмадим, ақлдан ҳам озмадим, менга одамлар, чин одамлар меҳр қўлларини чўздилар. Болага келсак, боласи ўлик туғилди ва дастлаб устига ёпилган йўргаги каған бўлди... Эл-юрт нафратига учрадим шекилли... Кўп вақт яккамохов, оқ қилинган кишидай ҳаёт кечирдим. Аммо ҳаёт ҳаётлигича қоларкан. Одамлар кўмагида яна оёққа турдим. Пўлат акамлар қайтмадилар. Бироқ у кишининг чанг-тўзондан тозаланган муҳтарам номлари қайтиб келди.

Мен Турсуновни яна бир учратишни, ўша тундаги суҳбатни, унинг тошдай зил сўзларини яна бир юзига солишини ўйлаб юрардим. Шунда қулоғимга етди. Эшиздимки, ўзиям қамоққа олинипти. Аёл қалбидай мураккаб нарса йўқ бўлса керак. Турсунов аҳволига ачина бошладим. Унга бениҳоя, оғир бўлса керак, чунки шу қадар инонар эдики... дея хаёл сурардим.

Султонов. Қорасоч, юмшоқ кўнгилсиз. Олижаноб қалб. Азобини шунчалик чексангиз-да, бунга ачингансиз. Фақат ачинибгина қолмасдан, ҳолини тушунишга тиришгансиз. Партия ҳаётимизда ленинча яаш ақидаларини қайта тиклагандა, туҳматга учраган кишиларимизнинг пок обрўлари қайтадан тикланганда, улар орасида Тўрсунов номи ҳам бор эди. Лекин бундай меҳру шафқатга унинг ҳаққи-ҳуқуқи бўлмаган, бўлмаган.

Қорасоч. Ҳаққи-ҳуқуқи бўлмаган?

Бобо Равшан. Очиқроқ гапир, ўғлим, сабаби ни-мада?

Султонов. Тингланг. Биз қудуқ изидан кетдик, бу одам иккимиз жўнадик...

Қоронғилик. Саҳна ёришганда яна бепоён саҳро кўринади. Саҳрода икки киши одим босмоқда. Бу қудуқ изидан тушган Султонов билан Турсунов. У ҳолдан кетиб қумга узала тушар экан, Султонов кўмакка келади.

Турсунов. Вассалом. Қумурсқача мадорим қолмади. Юролмайман.

Султонов. Улуг Турсунович, туринг... ҳолсизликни ҳайданг... Очинг кўзларингизни... Яқин қолганга ўхшаяпти чаммада... Шу атрофда бўлса керак.

Турсунов. Билмадим-ов... Сабил қудуқ топилганда сув ичишга эҳтиёжимиз қолармикан?

Султонов. Сув фақат бизгагина эмас, уларгаям, самолёт синиқлари ёнида қолишганиларгаям зарур. Излашга мажбурмиз.

Турсунов. Мажбурмиз, мажбурмиз... Умрбод маж-бурмиз.

Султонов. Агар одам юкни мажбуран кўтарса қо-вурғаси қайишиб кетганини пайқайди, холос. Ўз истаги билан, бурч нуқтаи назари остида кўтарса-чи, зими масидаги юкнинг тошидан ташқари, ўз қурбидан ифтихорланиш ҳисларини ҳам кечирар экан. Доно кексалар шундай дейишиди.

Турсунов. Кексалар, кексалар... Ачиған бошга нималар келмайди! Мана биттаси Бобо Равшан бўлса, йўқ қудуқни бор деб, бизни сарсон қилди-қўйди. Мен ҳам бу ерларда жанг қилганман, аммо-лекийин қудуқ жойи хотирамда йўқ.

Султонов. Сиз кўп нарсаларни хотирангизда ушлолмайсиз.

Турсунов. Аммо ҳалигача хотираға шикоятим йўқ.

Султонов. Гап унда эмас.

Турсунов. Нимада эканини билсак?

Султонов. Шундаки, чин, тўғри ҳаёт кециргай одам хотирасида ҳамма нарса туради. Шод ўтган кунлариниям, ғамгин кечган онлариниям хотирласа — уятга ўрин йўқ. Акс ҳолда, одам кўнглига ёқсан нарсаларнигина хотирасида сақлашга тиришади.

Жимлик. Турсунов тирсагига суюнган ҳолда ётар. Султонов бўлса қумзорни галвир қилиш билан банд. Ҳар қадамни, ҳар квадратни чамалаб кўрмоқда.

Турсунов. Менга қаранг, Полвон Султонович?

Султонов. Қулоғим сизда, Улуг Турсунович.

Турсунов. Ҳаммаси хомхаёл, сариқ чақага арзимайдигон!

Султонов. Тушунмадим?

Турсунов. Ўртамиздаги келишмовчиликлар, бордикелди гапларни айтяпман. Уларнинг барчаси нарида, кабинетларда аҳамиятга молик. Бу маконда эса узоқ осмон, қайноқ қум ва ўлим балосига дучор бўлиш эҳтимолидан бошқа нарса кўзга кўринмас. Уша ажалхоним билан учрашганим бор. Тўғрисини айтсам, яқинига борганим йўқ, аммо яқинлашишга эҳтиёж сезганимчаям йўқ.

Султонов. Висол учрашувига борсангиз ҳам, бормасангиз ҳам ихтиёр ўзингизда.

Турсунов. Ажалхон қошига бориб юриш, атрофида гирдикапалак бўлиш ҳожат эмас, ўзлари келиб, кўтара қочадилар.

Султонов. Ажалхонни бўш қайтариш иложи ҳам бор.

Турсунов. Қайси йўл билан?

Султонов. Бизнинг айни вазиятимизда — қудуқни топиш йўли билан. (*Султонов ҳалиги шини, ўжарлик билан қудуқ излашини давом эттиради.*)

Турсунов (узала тушиб). Ионмайман.

Султонов. Бирон нарсага кўнгил қўйиб инонганингиз борми ўзи?

Турсунов. Ҳаддингиздан ошманг, Полвон Султонович, ҳозир мунозара, машинанинг ўрни эмас. Айтдим-ку, ҳаммаси хомхаёл, сариқ чақага арзимайди, деб. Осмон узоқ, қум қайноқ ва икков ҳаётимиз қил устида.

Султонов. Шундай экан, сариқ чақага арзимаса, демак, ҳақ эмаслигингизни бўйинга олдингиз-да.

Турсунов. Нимада?

Султонов. Ўртамиздаги мунозарада. Шу туфайли Тошкентга кетмоқдамиз-а?

Турсунов. Кетаётган эдик, демоқчисиз.

Султонов. Йўқ. Янглишганим йўқ. Кетмоқдамиз.

Хозирги ғайриихтиерий қўниш кўпга чўзилмас. Албатта, етиб борамиз.

Турсунов. Бўпти, ҳаракатингизга баракат.

Султонов. Энди, бу ёғи қанчадан? Ноҳақлигингизга иқрормисиз?

Турсунов. (бейхтиёр). Марҳамат. Иқрорман.

Султонов. Қойил Баъзи-баъзида амалдор кабинетдан кечиб, оёқ остида ғижиллаган паркет эмас, қумзорни, бош устида қандил осилган шифтни эмас, осмонни сезиши фойдадан холи эмас кўринади. Афсуски, баъзи бирлар буни фақат ғайриихтиерий қўниш вақтидагина фаҳмлайдилар.

Турсунов. Яна таънага ўтдингиз, дейман. Айтганингизга иқрорман дедим-ку. Ҳақиқат сиз томонда эканини бўйнимга олдим... Аҳволим чатоқ, Полвонжон, жуда чатоқ...

Султонов устидаги кўйлагини ечиб, чўзила тушган **Турсунов** бошига боради.

Султонов. Улуғ, бошни ўранг. Енгил сезасиз.

Турсунов (таъсирланиб). Узингизга-чи?

Султонов. Чидарман.

Турсунов. Олмайман, уят ахир менга.

Султонов. Очиқ ният билан чўзилган қўлдан ёрдам олиш — ҳеч қачон уят бўлмайди. Нафсониятингизгаям тегмайди. Ушланг.

Турсунов. Раҳмат.

Турсунов чўзилади. Султонов эса ўжар қатъият билан излайди, излайди, излайди. Ниҳоят, у ҳам ҳолдан толади шекилли, оёғи чалишиб йиқилади. Сукут. Бошини кўтарган **Турсунов** қўзғалишга интилар. Султонов оёққа босади.

Султонов. Ҳечқиси йўқ. Ўтиб кетди. Топмасдан қўймаймиз, албатта, топамиз! Яшшимиз, яшшимиз шарт... (Яна қидиринар экан, тўсатдан...)

— Топилди!

Турсунов гандираклаганича яқинлашиб, **Султоновга** кўйлакни узатади.

Турсунов. Кўйлакни кийинг, кўмирдай куйдиради-я. Ҳордиқ олиб туринг-а. Мен қумни тортаман. Үлардай чарчадингиз.

Султонов қумга чўзилади. **Турсунов** қумни торта-торта қудуқ оғзиға ёпилган түя терисини, сўнгра тери остида қалаштиришга сак-

совул ходаларини олиб ташлайди. У қудук оғзига бошини тұғрилаб, қудук тагидан жөлмиш сув салқинини әнтиб-әнтикиб ютар. Иккиси ҳам тамом ҳолдан кетишган.

Султонов. Сув!

Турсунов. Салқини урмоқда.

Султонов. Ҳаёт. Яшар эканмиз. (*Кулади*.) Нихоят, Бахмални күрар күним бұларкан... Улуғ Турсунович, гулдай хотиним бор! Журъати булоқ! Чорвадорларни даволаш экспедициясига кетгап. Шу атрофларга яқынроқ ерларда юрган бўлса керак. Агар учрашиб қолсакми...

Турсунов. Ҳа. Бахмалхоним дунёда йўқ нодир аёл. Ва устаси фаранг врач.

Улар ҳамон қудук бўйида ётишар. Нимовозда сўзласалар-да, акси-садо бўлиб қудуқдан қайтмоқда. Бора-бора бемадорликни енгадилар.

Султонов (*ёш боладек*). Хо-хо-о! Қудуқ!

Шу овоз чуқурликдан акс-садо бўлиб қайтади.

— Чўнқир. Сувгача ўн-ўн беш газ бор-ов. Ҳеч гап әмас. Муҳими — яшар эканмиз. (*Кулади*.) Чекилган мاشаққатлар беҳуда кетмади. Дунё борди-келдиларининг кўпини антлаб олдингиз.

Турсунов (*дагал*). Ҳозир бундай гаплар фурсати әмас. Сувга қўл етиши зарур. Термосни бойланг!

Султонов унга узоқ тикилиб қолади. Шу бир неча дақиқа мобайнида Турсунов бутунлай ўзгарган. Тирик қолишига ишонч ҳосил қилгач, Султонов билан ҳукмронлар пардасида сўзлашмоқда. Энди улар оғир мاشаққат азобини бирга тортган дўстлармас, балки бошлигу ўнинг қўл остидаги одам. Бу ҳол Султоновга эриш кўринади.

— Хўш, нимага сусткашлик қиласиз?

Султонов. Улуғ, термосга сув тўлдириш мушкул. (*Атайн шундай, Улуғ дейди*.)

Турсунов. Турсунович. Қуюшқондан чиқманг. Айтганимни бажо қилинг.

Султонов. Йўғ-эй? Гапларингиз ҳавоси совуқ — маъқулмас.

Турсунов. Үзларининг нафаслариям унчалик иссиқ кўринмайди.

Султонов. Бундан ўн минут аввал тилингиз ўзгача эди. Тўғри, у маҳал жон талвасасида эдилар-да, яшашга ишонч туғилдик, аслингизга қайтмоқдасиз.

Турсунов. Тўхтатинг сафсатани. Термосни тушинг-дейман.

Султонов. Истамайман! Ўзлари туширсинглар.

Турсунов. Бўпти... (У термосни чилвирга боғлаб қу-
дуққа ташлайди. Сўнгра торта бошлайди... Лекин қудуқ-
дан қуруқ чилвир чиқади, холос.) Термос боғичидан чиқиб
кетипти-ку!

Султонов (кинояомуз). Ҳақиқат доимо сиз тарафда.

Турсунов. Жигимга тегишин тўхтатинг, етар! Май-
мунлик айни вазиятингизга андак ярашмас! Ағдаги одам-
лар сувга зор...

Султонов. Ўпкангизни босинг. Аввало ўзлари ҳақи-
да жон кўйдираётганлари менга беш қўлдай аён. Ҳа, Ўлуғ
Турсунович, шунақа одам экансиз. Қўндоқда теккан, сизни
фақат гўр тузатади.

Турсунов. Бас-с!

Султонов. Ҳамроҳларнинг ташниликтан жон бериш-
ларига ачинасизми? Тулқиликни қўйинг! Ўзлари жон сақ-
ласалар бўлгани, бошқалар ҳалокатини томоша қилиш
одатингиздан ташқари гап бўлмаса керак!

Турсунов. Бу чучмал сўзларингизга жавоб беришга
мажбурсиз!

Султонов. Жавоб берганим бўлсин... Фақат шу зайл-
да бор гапни ўзингизга тўкиб соламан... Ўзлари ҳақда ни-
ма ўйлаган бўлсан, ҳаммасини ошкор этаман.

Турсунов. Яхшиларда кин-гина, турмайди! Ақлдан
оздингизми? Қудуққа тушинг ва сафсатани бас қилинг!
Сўнгги бор айтаман!

Султонов. Карнайдаҳанлик ҳам чегараси билан-да!
Ҳа, тушмоқ лозим. Тушаман. Турсунов, заррачаям қўрқмай-
ман сиздан. Бироқ қўйингизда чилвирнинг бир учи бўли-
шидан ҳазар қиласман.

Турсунов. Нима-нима? Оғиздан чиққан сўзга ҳисоб
берасизми, йўқми? Ким шаънига айтапсиз бу гапларни?
Менга-я, шахсга сифиниш даврининг қурбони бўлган, сур-
гунлар жафосини чеккан одамга-я... Тўхтаб туринг, бу сўз-
ларингиздан осонликча қутулмайсиз! Бу жиноий сўз, гарчи
ўртамиизда гувоҳ бўлмаса-да!

Султонов. Гувоҳлар олдида ҳам такрорлашга тай-
ёрман. Қачон ва нима сабабдан қамоққа олинганларини
мен жуда яхши биламан.

Турсунов. Мени оқлаш даврида, партияга қайта тик-
лаш вақтида у тарих миридан-сиригача аниқланган. Ҳуж-
жатлар бор! Юрагимга ваҳима солишга ожизлик қиласиз!

Султонов. Демак, сиз айтган ҳужжатларга кирма-
ган гаплар ҳам бор экан. Нечук ўюни қилганингиздан ха-
барим йўқ, аммо хамирдан қил суғургандай қутулиб кет-

дингиз... Үн минут мұқаддам, бу гапларни уннутишга тайёр әдим. Сиз, Турсунов, ажабтовур одам бўлишингиз мумкин эди. Ақл, истеъод, иродадан сизда топилади. Қийинчилик, баҳтисизлик кишини қайтадан дунёга келтирди, деб ўйлабман. Йўқ, янгишдим, ишонч нишонаси фунча бериши билан сиз уни узиб ташладингиз, асли қиёфангизга қайтдингиз. Ҳа, шошган шамол гул узар. Сиз, гўё заҳарли илон: соvuқ қутурса караҳт бўлиб ётасизу қуёш нури қиздириши билан иһингиздан чиқиб, одамларга заҳар сочиш пайига тушасиз. Қуёш дунёда борки, тирик жонга шодлик бағишила-са, илонга заҳар жамғариш имкониятини яратар экан.

Турсунов. Сўзларингизни эшитувчи қулоқни кесиб ташлайман!

Султонов. Йўқ-қ, сабр қилиб эшитасиз! Турсунов, сиз бадфеъл одамсиз, бироқ сиздан қўрқмайман. Чилвирни ушланг!

Турсунов. Энди ўзингизга келдингиз!

Султонов чилвирнинг бир учини Турсуновга ташлаб, иккинчисини ўз белига боғлади.

Султонов. Мен қудуқ тагига тушаман. Мени зиминостонликда қолдириб, жуфтак уришни хаёлингизга келтиришгаям ҳаққингиз йўқ. Эшитяпсизми, журъат қилмайсиз! Қўрқоқ одамсиз. Авра-астарингиз менга аён.. Маҳкамроқ ушланг! (*Қудуқ сари ўрмалайди ва қудуқдан фақат бошигина кўринар экан, дов солади.*)

—Сиздан қўрқмайман, Турсунов, қўрқитолмайсиз!

Иккала оёгини маҳкам қумга тираган Турсунов қўлларидан чилвир шувиллаб кетмоқда. Мана, ҳаракат тўхтаб, чилвир бўшаб қолди. Демак, Султонов қудуқ тагига етган Турсунов қудуққа тикилади, қулоқ солиб кўради. Чуқур қудуқдан Султоновнинг ғўлдираган овози келади.

Турсунов (қудуққа). Тортдим! (У илдам чилвирни тортади. Сувга тўла термосни қўлliga олиб, ташналикни босар, юз-кўзларини чаяр, яна ичар. Сўнгра термосни қудуққа тўғрилаб, овоз беради). Туширдим!

Чуқурликдан Султонов идоси келади. Чилвир шувиллаб пастга кетмоқда. Турсунов қудуққа тикилади. Султонов овозини эшитгач, яна термосни тортиб олади. Чилвир тугунини ечиб, термосни бир четга қўяди. Энди чилвирни Султоновга ташлаш лозим.

Турсунов бир дақиқа иккиланиб қолади. Кўнда шошмайди. Султоновнинг икки карра қайтарилган бўғиқ идосини эшитгандан сўнгина, чилвирни ташлашга қарор қиласди. Ташлайди. Чилвир тарағ тортилди-да, аста-секин юқорига қараб йўл олди. Турсунов бор кучи билан чилвирни тортмоқда. Башарасида алдоқ, риё ва нафрат аломатлари.

Чилъирнинг анчаси тортиб олинди, Султоновнинг қудуқдан чиқишига оз қолди. Шунда лабларини қонтадаш тишлаган Турсунов, паккисини чиқаради-да, таранг тортилган чилвирга қулочкашлаб солади. «Гумбур» этиб қудуқ тагига тушган Султоновнинг даҳшатли нидоси эши-тилади.

Қоронғилик. Сўнгра қоронғилик орасидан қудуқ ости кўринар. Қу-дуқнинг нам босган, қоп-қорони ҳалқалари юқорига, қуёш нури ўрмалаб түшган томонга қараб кўтарилган. Қудуқ остида Султонов ётар. Сув озроқ ва бошлари қудуқ деворига тиравлган. Хуши ўзида йўқ. Қимир этмайди. Сўнгра Полвон Султонов юз-кўзида жило ўйнатмиш зиёдан сесканиб, инграганича кўзларини очмасдан, худди туш кўраётган киши каби гапира бошлидай.

Султонов. Бахмал, азизим, Бахмал... Хушовоз тўрғайим... Ҳов, саҳро шоираси. Қизилқум саратон чилласи-даям қўнғироқ сайрашини қўймаган тўрғайим... (*Инграйди.*)

Шу онда ақлу зикримни нечукдир сўлғин шубҳалар тимдаламоқда. Мен айтай, сиз ажрим этинг, сайроқи тўрғайим, Баҳмалгинам! Нечун дунёда, бизнинг муҳитимизда Улуг каби одамлар яшайди? Нечун ҳатто одамийликка нисбатан ҳам унинг заҳри қаттиқ, қўли зил, кўнгли хит? Нечун ундаи қўчкор миялар тўғриликни, киши камолотини, замон шуурини кўролмайдилар ва ёки кўришни истамайдилар?! Нечук, хушовоз тўрғайим, нечун?..

Ёки мен ҳам ўз тинчлигим йўлида, Улуғдай хира ва чигил одамлар қанотида, қаноатида, иззатида юпанч то-пайми?.. Обрў жойида, оила осойишта, мана бу машақ-қатлар йўқ... Неткум, дилнавоз тўрғайим? Унда, нечук фарзанд, коммунист номини оқлайман, нечук йигитлик шаънини кўтараман?!

Ҳов, саҳро шоираси, бўғзимда бўғилмиш фарёд шубҳаларини сиз ажрим этинг!.. (*Бир нарсани кутгандаи су-кут сақлайди.*)

Ҳа-а-а... Эшитдим, эшитдим, азиз тўрғайим!.. Менинг бу шубҳаларимдан куласиз. Удумингиз—яшашдан адаш-маслик, инсон номига гард қўндирамаслик! Ташаккур, аж-римларингиз учун ташаккур!.. Бахмалим!.. Сайроқи тўрғайим!.. (*Тинч қолади. Инграйди.*)

Бахмал, азизим, Бахмал! Қани сиз? Кўрдим! Сиз кўз ўнгимда! Сиз сари кетдим! Кетдим!

Қоронғилик қудуқ остини ютиб кетади-да, унинг хаёли аралаш Бахмал хонаси кўринади. Кечки таом стол устида. Хонада Бахмалининг якка ўзи, Тирсаги ёстиқда, қўли юзида, Тахта-диванга чўзилганича ўйга толган. Устида атлас кўйлақ, чивиқ беқасэм нимча, бир қўлида оїппоқ тонг гули. Соат ўнни уради. Бахмал бир соатга, бир қўлидаги гулга тикилиб, чуқур тин олар экан. Полвон Султонов кириб келади.

Бахмал. Кечки салом.

Султонов. Саломат бўлинг. Ёки оромингизни буздимми?

Бахмал (гинаомуз). Янгишмасам, бугун хайрлашув оқшоми.

Султонов. Мени кечиринг, азизим, барвақт қайтиш иложини қилолмадим. Ўзингизни нималар билан банд қилдингиз?

Бахмал. Кўзларим йўлингизда интизор, севган тонг гулингиз билан дардлашиб фурсат ўtkаздим. Энди сизга топшираман, олинг! Сизсиз нималар тўғрисида ҳасратлашганимизни айтиб берар.

Полвон Султонов тонг гулини ҳазиломуз қулоқларига тутиб, тинглагандай ҳаракат қиласди.

Султонов (йўқ, дегандай бошини тебратиб). Сирингизни ошкора қилишни истамайди. Ойим, қуюқ шафқатларингиз севгидан дарак—бу уйдагилар ҳануз мени севишиди-я. Устингизда мен яхши кўрганим кўйлак, чивиқ бекасам нимча, келинчак фаслингизни эслатувчи жамалак зулф, яна тонг гули... (Атрофни назардан ўтказади.) Столда кўнглимдаги таом.

Бахмал. Кўзингиз тушдими? (Шўхчан чапак чалиб юборади.) Овқат тамадди қиласлик-а?

Султонов. Агар ижозатингиз бўлса, бир оздан сўнг. Фақат бир рюмка конъяк ичким бор. (Рюмкага қуйиб.) Азиз ўлдошим саломатлиги учун! (Ичиб юборади. Бахмал ташвиш-ла уни кузатар. Полвон Султонов тахта-диванга ўтириб, гулга тикилади.) Гул... барча чечаклар маликаси...

Бахмал (ташвишини ичига ютишга тириша). Дейдиларки, гул—қиз, шамол—йигит эмиш. Икки ўсмир, икки оловли қалб. Шамол гул дардида қўзғалар, гул шамол баҳрида чандон очилар; икки содданинг шўх-шан бўйи табиатни уйғотиб, кишиларга ором баҳш этганича ер билан кўкни пайванд айлар эмиш.

Султонов (беихтиёр Бахмалнинг шоирона кайфиятига берилади). Ўша сиз айтган тонг гули—қизгина юрганида изидан тиллалар пайдо бўлар экан, кулганида дунёда бўлмаган ажойиб чечаклар очилар экан, йиғлаганида эса йиғисидан марваридлар тўкилар экан. Олтин қизгина яна сиз бўлманг?

Бахмал. Ўз гулига—ёрига сув ўрнига шарбат тортувчи шамол—йигит мана бу дуторда вафо дарсини ўқисада, унинг муштипар ёри садоқат рақсида жавоб қайтарса?

Девордан олинган дутор узатилади. Полвон Султонов бир зум, фақат бир дақиқа хаёлга чўмади-да, сўнгра созлаб-нетиб ўтирмастан «Тановар» пардаларин тўлқинлата кетади. Бахмал майин, ҳазин ўйинга тушар экан, юз-хўзидан ўрмаламиш дўлана-дўлана ёшларини яширишга тиришар, лекин созанда аллақачонлар огоҳ, шунинг учун ҳам созни зарб билан чертар.

Кўнглимда ғулгула..

Султонов. Ундаи экан, сафарни кечроққа қолдиришнинг иложи йўқми?

Бахмал. Йўқ-йўқ. Юрагимдаги ғулгула ўзим ҳақимдамас, сиз тўғрида.

Султонов. Мен тўғрида? (*Кулгига олади.*) Азизам, сайроқи тўрғайгинам, мең учун ташвиш тортишга сабаб бўлмаса керак? Эркак бошим ва яна ўз уйимизда қолсам... Сиз ҳақингизда ташвишланиш тўғрироқ бўларди. Саҳрого жўнамоқдасиз. Бениҳоя оғир экспедиция. Жасоратингиз мени қувонтиради, лекин ташвишланмасдан мумкин эмас.

Бахмал. Утган йили ҳам боргандим-ку. Чорвадорлар орасида уч ой қездим ва бало ҳам ургани йўқ менга. Тажрибамга яна бир йил қўшилди. Одам сифатидаям, врач сифатидаям тажрибалироқ бўлдим. Мен учун ташвишланиш ноўрин. Аммо сиз...

Султонов. Нима мен?

Бахмал. Кўриб турибман, менга аён. Қандайдир кўнгилсиёҳлик сизни эзмоқда.

Султонов (*дугорни четга қўйиб, сал сукутдан сўнг*). Ҳозирча тинчлик.

Бахмал. Ана айтмадимми? Ҳозирча дедингиз.

Султонов (*хаёлчан*). Ҳа... ҳозирча.

Бахмал. Бундан чиқадики, кўнгилсиёҳлик юз бериши мумкин экан-да! Аёл қалби «лип» этган сабони сезишга қодир!

Султонов (*охиста*). Мехрибон қалб.

Бахмал. Нима бўлди?

Султонов. Фўзаларни самолётда дорилашни ман этдим.

Бахмал. Тўғри қиласиз! Бугун клиникамизга яна бир заҳарланган одамни келтиришди. Бундай ҳодисалар ҳисобини йўқотиб қўйдик.

Султонов. Сиз — врач. Қилинган қарор мақсадини тушунишингиз оппа-осон. Аммо шундай одамлар нусхасиям учрайдики, буни фаҳмламайдилар ва ёки тушунишин истамайдилар.

Бахмал. Турсунов?

Султонов. Ҳа. Бир неча марта тушунтиришга ин-

тилдим. Гўза, полиз, боғ бир-бирига қўшилиб кетган. Уйжойлар ҳам шунда. Қенг далаларга — марҳамат.

Бахмал. Учи?

Султонов. Қўл кучи билан дорилашга қатъян қарши у. Қатъян... Тўғри, бу ишимизда ҳосилнинг бир қисми-ни бой беришимиз мумкин. Сирасини айтсан, шундаям ҳосилнинг қўри ёмон бўлмайдиган кўринади. Турсунов ўз олдига ягона мақсадни қўйган: бошқармамиз ҳисобидан область бўйича юқори ҳосилни қўлга киритиш. У янги секретарь — шуҳратга, тантанага чанқоқ.

Бахмал. Қатъий фикрига қарамасдан, сиз дорилашни тўхтатдингизми?

Султонов. Ҳа. Ўзга иложим йўқ.

Бахмал. Демак, эрта ва ёки индин бу хабар унга етиб боради ва шундан сўнг Турсунов...

Султонов. Мени чақиртиради. Умуман айтганда, у ҳазилниям, ҳазиллашиб ўтиришниям ёмон кўрадиган одам. Агарки, қатъян дедими, масала жиддий.

Бахмал. Бениҳоя жиддий. Энди нима қилмоқчисиз?

Султонов. Тошкентга учаман. Марказий Комитет бор-ку! Ўз қароримни ҳимоя қиласман. Турсунов кўп масалани ҳал қилиши мумкин, қўли баланд, лекин бошқалар ҳам бор-ку.

Бахмал. Сўнгра. Турсунов ўт олиш, кўролмаслик ка-софатига дучор; ўридан, сиздай ёшлардан қўрқар эмиш, дейдилар. Вазият жуда-жуда жиддий экан.

Султонов (ҳазилга бурмоқчи бўлади). Ростини сўзланг, мендек тиниб-тинчмайдиган куёвга тақдирингиз тушганидан розимисиз ёки норози?

Бахмал. Баъзида ўйга толаман. Табиатни жўнроқ, яхшиликка-да, бехараша кўнишиб кетадиган, орқага силтагувчи куёвим бўлса, турмушимиз сув сепгандай осойишталикда ўтарди, дейман. Баъзида эса бу ўйларимга қарши қўзғаламан.

Султонов. Агарки, куёв танлаш тарихингиз яна бир марта, бошидан қайтарилса, олмани менга отардингизми?

Бахмал (кўзлари сузгин). Сизча қандай?

Султонов... Отардингизми, йўқми?

Бахмал. Отгандаям, яна қандоқ денг, нақ пешонангизни нишонга олардим.

Султонов (беихтиёр кулганича). Раҳмат, жон-дилим, кўп яшанг! Яхшиликкаям, ёмонликкаям бефарқ, лоқайд бўлишни одат қилмадим. Коммунист деган юксак номни оқлаш йўлида баҳолу қудрат курашув меним шууримга сут билан кирган.

Бахмал! дераза томон бориб, пардаларни очади.

Бахмал (охиста). Имоним комил... Бугун юлдузлар жамоли алланечук-а!

Султонов яқинлашиб, қўлини Бахмал елкасига қўяди.

— Кўрдингизми?

Султонов. Кўрдим. Чиндан ҳам...

Бахмал. Қўзингиз ҳамиша юлдузлар жамолида бўлсин!. Яна бир?

Султонов. Айтинг?

Бахмал. Юлдузи бор...

Султонов. Нима?

Бахмал. Ҳаёт қайноқ кўзларингиздан бир ўпай?

Султонов. Ҳозир-а?

Бахмал. Майлим... (Тўйиб-тўйиб ўпар) Дардингиздан Полвоним, жасорат ва журъатни сира-сира қўлдан берманг. Шунингдек, эҳтиёт шартлиги ҳам хотирангиздан кўтарили масин. Турсунов ёмон, бераҳм одам.

Султонов (таажжубда). Қайдан биласиз? Области-мизга келганига у қадар кўп бўлгани йўқ-ку.

Бахмал. Биламан-да. У ёмон, бераҳм одам...

Хона кўздан ғойиб бўлади. Яна қудуқ ости манзараси. Султонов ҳануз ўша вазиятда ётар. Инграйди, қўмирлайди ва ниҳоят, ҳушёр тортади. Үриндан қўзгалганича икки бўлак чилвирни қўлларига олиб, узоқ тикилиб қолади. Сўнгра юқорига боқади.

Султонов. Ҳа-а, Турсунов, сени ҳалиям яхши билмас эканман. Юраксиз, қўрқоқ эмас, бадбахт, ёмон бадбахтилингни билмовдим.

Ойим, Бахмалгинам, сўзларингиз чин чиқди! Эҳтиёт шарт деган эдингиз-а... Турсунов, сени ҳануз яхши билмас эканман! (Юқорига тикилади.) Юлдузлар жамоли кўзларимда! Бу ердан ҳатто кундузи ҳам кўринишаркан. Кўрдим! Кўрдим! Юлдузлар жамолини кўрдим! (Тик кўтарилиган қудуқ деворларига тирмашар, чуқурчаларга оёғини қўйиб чиқмоқчи бўлар, юқори кўтарилашар, йиқилар, яна тирмашар, яна йиқилар ва ниҳоят ўта толиқиб жим қолар.)

Бахмалгинам! Қайдасиз, Бахмалим? Севгимиз хабар берсин, ёрдамга келинг! Ойим! Бахмалгинам!

**Ва фавқулодда юқорида қуёш нури ўрмалаб тушаётган томондан
Бахмал овози эшлилади.**

Бахмал. Полвон ака! Полвоним!

**Султонов. Нима? Унинг овози! Уники. (Чақиради)
Бахмал!**

**Шу замондаёқ қудук устидан бир неча одамлар овози эштилади.
«Маҳкам бўлинг!», «Хозир тушамиз!», «Сабр қилинг!»**

— **Одамлар!**

Қудуқقا Алижон тусиб келади.

— **Дўстим, кимсиз?**

Алижон. Шофёрман. Отим Алижон.

Султонов. Ассалом, Алижон! (Қучоқлайди.)

Алижон. Арқонни боғланг-а. Зум ўтганча тортиб олишади. Менам, липиллаб орқангиздан чиқаман.

Султонов арқонни белига боғлади.

Султонов. Алижон, у томонда хотин киши кўринидими?

Алижон (кулганича). Бир жуфт. Доктор Бахмал опамлару ҳамира. Ислим Жумагул. Остимизда санитария машинасиям бор.

Султонов. Демак, ўнгим! Демак, шу ерда экан!

Алижон. Қим?

Султонов. Хотиним! Биродар, Бахмалгинам!

Коронгилик. Сўнгра қудук бошидаги саҳро кўринади. Полвон Султонов Бахмални эркалар. Бахмал эса гоҳ йиғлар, гоҳ күлар. Чўли ака билан Жумагул қудуқдан Алижонни тортиб чиқариш билан бандлар.

Бу каромат! Каромат! Мени ўз қўлингиз билан қутқазганингиз! Севгингиз омон сақлади. Балки ажабсинишга ҳам ўрин йўқdir, чунки севгининг ўзи буюк каромат.

Бахмал. Нима бўлди? Нима? Нечун бу ердасиз?

Султонов. Тошкентга кетаётган эдик. Самолёт аварияга учради... Хозирча шу, тафсилотини кейин айтаман!

Алижон ҳам қудуқдан чиқади.

— Тезроқ, шошилинг... У томонда, барханлар орқасида Қорасоч билан Бобо Равшан ёрдамга муҳтожлар. Рацияларинг бордир?

Алижон. Шай.

Султонов. Тошкентга тезда хабар беринг. Вертолёт юборишин.

Алижон. Хўп, ака! (Машина сари чопади.)

Султонов (Бахмалга). Машинани ўзингиз ҳайдай оласиз-а? Ораси яқин, икки-уч бархан ошилса — бас.

Бахмал. Албатта. Аммо нима даркори бор...

Султонов (қумдаги изларни кузатиб). Биз, эрик...

лар мана бу из орқасидан тушамиз. Бир Одамни топшишимиз лозим.

Юрганича Алижон киради.

Алижон. Ишлар беш! Хабар кетди. Ўзлари ҳам ҳаракатда экан. Вертолёт тезда чиқади.

Султонов. Алижон, машинани доктор опага топширасан, биз бўлсак... (*Чўли ака билан Алижонга мурожаат қиласади*) мен билан юрасизлар.

Чўли ака. Хўп... олдин бўз қимиздан... (*Белидаги мешини кўрсатади*.)

Бахмал. Асло, мумкинмас!

Чўли ака. Бахмалой, дурустини айтсан, тургани наф, қимизу қўзидан, қазию қиздан ўлган одамни умримда эшифтадим. Яна не билай?

Бахмал. Эшифтмаганингиз маъқул...

Жумагул (*ниқиллаб қулганича*). Дим сара!

Бахмал. Ҳмм... Полвон ака, аввало, сизни яхшилаб қарашим зарур. Аҳволингиз оғирроқ... Ўзингиз ёрдамга мўҳтожсиз!

Султонов. Қейин. Вақти билан. Хўв-в анави томонга ҳайдайсиз, биз изни олиб борамиз.

Биродарлар, юринглар!

Қоронғилик. Саҳна ёришганда самолёт парчалари ёнидагиларни кўрамиз. Султонов ҳикоясини тамомламоқда.

— Қудуқ тепасида ана шундай ҳодиса содир бўлди. Унинг қилмишларига оид баъзи бир гаплардан хабардор бўлганим учун, Турсунов мени ўртадан кўтариб ташлашни ният қилди.

Турсунов (*шангиллайди*). Бўҳтон! Ҳеч гапдан хабарингиз йўқ! Бўлиши ҳам мумкин эмас!

Султонов. Яхлит чин. Нима тўғрисида гапирганимни қудуқ тепасида хўп яхши англаб олдинг. Мени йўқ қилиш нияти ҳам шунда туғилди. Аммо бу гал ҳам янгишдинг. Мен ўлмадим. Агарки, ўлиб кетсан-да, бари бир ҳақиқат тирик қоларди. Тобутда ётиб ҳам сени айбдор қиласадим.

Бобо Равшан. Очиқроқ айтинг, ўғлим, яширгани нима? Нимадан огоҳсиз?

Султонов. Огоҳ бўлган гапни Бахмалдан эшигтанман. Экспедицияга жўнаб кетиш кечаси сўзлаганди. Ўз тилидан билганингиз яхши.

Ҳамманинг назари Бахмалда.

Бахмал. Айтганингиз бўлсин, Полвон ака, Майли,

сўзлайин. Гарчи қайта эсга олиш, юрагимни қийма-қийма айлаб, мени даҳшат оташига ташласа-да.

Бу ҳодиса эллик иккинчи йилнинг қишида юз берган эди.

Мен, кийик боласидек шўх, шалоладек ўйноқи қизгина медицина институтининг тўртинчи курсида ўқирдим ва практика учун клиникага қатнардим. Кунлардан бирида Турсунов пайдо бўлди. Нима билан касаллиги бутунлай но-маълум бўлса-да, уни иззат-икромли бемор деб билардилар. Навбатчи ҳамшира вазифасини ўтар эканман, эртаю кеч олдидан жилмасликни, нима истаса қайтармасликни, неки хоҳласа, беэътиroz бажарилишини буюрдилар... Бу қиши-нинг истакларини бажо қилиш — мен учун ўлим билан тенг эди, чўнки... кўрди дегунча тегажаклиқ қилас, елимдай ёпи-шар, тинч қўймас. Навбатим тунга тўғри келганда-чи, ўзими қўярга жой тополмасдим.

Қорасоч. Аблаҳ!

Бахмал. Ана шўндай тунлардан бирида мени ёнига чақирди. Уят, буни сўзлаш мён учун ўта уят...

Қорасоч. Сиз эмас, бу разил уялсин!. Гарчи аллақачонлар уятни, номусни кўкка совурган бўлса-да.

Султонов. Гапиринг, Бахмал, ҳаммасини гапиринг.
Бобо Равшан. Қарофум, тортишма.

Бахмал. Шу кечаси қутурган, кўзлари қонга тўлган экан. Мени шаҳвоний йўлга бошламоқчи, зўрламоқчи... Бир иложини қилиб, қучоқларидан қутула қочдим. Шундаям орқамдан юғурди, ҳансираган нафасини сезардим... Жоним ҳалқумимга тақалди. Ярим тун бўлгани учун овоз беришдан андиша қилардим. Қай томон қосам, қутулиб кетишимни билмасдим...

Қоронгилик. Сўнгра клиниканинг хизматчиларига мосланган хоналаридан бири кўринади. Хонанинг иккита эшиги бор: бири каридорга, иккincinnisi душ бўлмасига олиб чиқади. Хонанинг деворлари тизма қатор оқ шкафчалар билан лиқ тўла. Ҳар шкафчада уч ҳол — тешик ўйилган. Бу ер клиника хизматчиларининг кийим ўзгартирадиган хонаси.

Хозир хонада ҳеч ким йўқ. Кўзлари хонасидан чиқсан Бахмал юргурганича пайдо бўлади. Худди қафасга тушган қушиб олазарак, душ бўлмасига отилар, сўнгра қайтиб чиқар, энг четдаги шкафчанинг эшигини очар. Шкафча бўм-бўш. Чоги торроқ бўлса-да, ниҳолдек Бахмал учун жой етар. У чироқни ўчирганича, ўзини шкафчага олиб, эшигини беркитишга улгуради. Ва шу оннинг ўзида оғир одим шарпаси эшитилиб, Турсунов кириб келади.

Турсунов (коронгид). Ҳайт, сабил! (Гугурт ёқиб, чироқ тугмачасини топади. Хона ёришади. Турсунов қўзла-ри изланар. Оёқларида шиппак, устида клиника пижама-

сі.) Бахмал! Қайга кетди! Ажаб! Назаримда, ўзини шу жөнага ургандай бўлди. (Душ бўлмасига ўтади.) Шунда бўлиши керак. Бахмал!

Турсунов шкафчалар эшигини очишга тутинади. Биронтасиям қулф эмас. Баъзилари бўш, баъзиларида кийим-кечак осилган. Турсуков шкафчаларни бирин-кетин назаридан ўтказар, Бахмал беркинганига яқинлаша борар. Қўли етган икки шкафчадан бирини очиб, осиқликдаги кийимларни ушлаб-ушлаб қўяди. Эндиги навбат... Шудақиқада, коридордан одамлар дукури ва овозлар — эркаги — Деҳқон Үлмасовники, аёли — санитарканники эшитилади. Турсунов қулоқ солади. Юз-кўзида ҳайрат, ташвиш аломатлари. Эшиги очиқ шкафча қаршисида тек қолган. Бахмалини излаш хаёлидан кўтарилиган. Коридордан келмиш овоз жонини олгудай.

Санитарка (эшик орқасида). Ҳали заҳотгина кўргандим. Шу эшикка кирдилар.

Үлмасов (эшик орқасида). Текшириб кўрамиз... (Эшикни очиб, Турсуновга дуч келади.) Ҳаққаси рост. Ўзлари. (Эшик орқасидагиларга.) Ҳордиқ чиқариб туринглар. Бўлди. Авлороқда кутинглар. Чакираман. (Эшикни қаватлайди.) Улуғ Турсунович, салом бердик.

Турсунов жим. Қалтак ютган одамдай қотган.

— Қандай ҳунар кўрсатяптилар бу ерда? Қораларини шкафга олмоқчиларми? Сомонхонага қочишдек фойдасиз уриниш! Иккимиздан ўзга кимса йўқдир-а? (Душ бўлмасига мўралайди.) Айтганимдай — якка ўзимиз. Акс ҳолда, бу хонада гумдон бўлиш пайига тушмасдингиз, албатта! Отамлашамизми? Сиҳат-саломатлик қалай?

Турсунов (зўр-базўр). Ёмон.

Үлмасов. Эсиз-эсиз! (Бошини чайқар.) Сиҳат-саломатлари ёмон бўлса маҳсус шароит яратиш лозим, ўзлари эса оёқда юриптилар, яна шкафга беркинишни ният қилинлар. Азиз жонларини аямай қўйибдилар-да, Улуғ Турсунович! Ўзларига ғамхўрлик қилиш эҳтиёжи, алоҳида шарсит, ҳалигидай, шароит яратиб берниш зарурияти борга ўҳшайди-ёв. (Сўзлари заҳарханда киноя билан тўла. Худди мушук сичқонни ўйнагандай, у Турсуновни ликонглатар.)

Бемор эрсалар-да, безовта қилишга эҳтиёж туғилди. Ўзи тутантериғи йўқ, чинданам арзимас юмушку-я, бироқ, шошилинчроқ, шу сабабли ярим тунга қарамасдан ташриф буюрдим. Кечиргайлар. Ҳа, дарвоҷе, ўзлари ҳам бедор эканлар, аксида оромларини бўлиш одобдан бўлмас эди. (Шошилмасдан чўнтағидаги конвертни олиб, ундан қандайдир қофозни чиқазади, шошилмасдан қофоз таҳини ёзиб, Турсунов кўзларига тўғрилайди.)

Танидиларми?

Турсонов (тезоблик билан). Йўқ!

Улмасов (чақчақ уриб). Демак, танидилар. Бу юмалоқ ҳужжатга, табиийки, доимий одатларига кўра, имзо чекмаганлар, бироқ машинка топилган ҳамда қачон ва қай вақтда уни қўлга олганлари бехато аниқланган. Бу каби нозик тўсиқларни босиб ўтиш, Турсунов, ҳали сиздай эчкидум чавандозлар қўлидан келмайди. Уятлари очилиб қолганидан хабарлари йўғу баланд дорга осиладилар. (Заҳаромуз) Йўлингизда тўсиқ бўлганлар устидан чақимчилик, ғизмакашлик-илмакашликни ҳунар қилдингиз, билиб-бильмасликка олдим. Тинмай баландга интилишларингиз менга ҳатто ёқар эди. Қиёфангизда ўзимни кўрадим. Ёрдамга келган вақтларим ҳам бўлган. Баъзан эса, сирасига келсак, ишонардим ҳам. Кўтарасини айтганда, ҳеч кимсага ишонмайман. Мана, оқибати. (Кўлидаги қофозни ўйнатади.) Мени устимдан шикоят тўқидилар. Менга қўл кўтариш! Ақлдан оздиларми! Деҳқон Улмасовнинг қандай зот эканини унутдиларми? Деҳқон Улмасов енгилмас қоя эканини на хотки унутсалар? Мана, кўзларининг паҳтаси ўйнасин. (Яна қофозни бурнига тиқади.) Тузофимга тушди! Узлари ҳам тузоримда. Энди без терасиз...

Турсонов. Раҳм қилинг. Деҳқон Улмасович, шафқаг айланг!

Улмасов (тикандай ботади). Асло. Бу — сиз ва менга монанд кишилар руҳига бутунлай ёт сўз. Узгалар қонини сўрганлари — мен учун парвойифалак. Бироқ зил қўлларини каминага кўтардилар. Менга-я! Кулларини кўкка совураман. Тахтакач остида қиймалаб бурдалашга қурбим келади. Мана бундай! Мана бундай! Мана бундай. (Қофозни қиймалайди.) Авахтага олиб кетишларини кўргазганга шукур. Уз қўлим билан авахтага олиш ордерини топширишмдан кайфим тароқ.

Чўнтағидан ордерни чиқазади. Турсонов қалтироқ қўллари билан ордерни олади.

— Шинаванда юристларнинг бир нақли бор: одам бўлса бас, жиной модда топиладигон матоҳ. Қандай саришта қилиш йўл-йўриғи ўзларига аён. Бўғизларига сиққанича бўйинга ортаверадилар. Узлариники — чўққиси, имонлари комил бўлсин. (Фавқулодда кулиб юборади.) Ўзингни касалга солиб, шкафга яшириниб, мендан қутулмоқчи эдингми, гўдак! Сендан омилроқ душманларимниям гўшт қиломаганимда кимсан Улмасов деган одам бўлармидим. Итдан тарқаган! Болдиримдан олмоқчи эдингу пойчамни

йиртишга ҳам қурбинг қелмади, сўлагинг оққани қолди, холос. Аҳмоқ, нокас!

Турсунов. Раҳм қилинг, Деҳқон Үлмасович! Шафқат айланг! Нокасман, аҳмоқман, ит боласиман! Йтингиз — вафодорингиз бўламан. Раҳм қилинг! Сира-сира.. Вафодор кўпрак каби садоқатли бўламан.

Улмасов. Кўп акиллайверма! Аллақачонлар оламдан ўтгансан. Лагердаги фалон номерсан, холос, ўлакса! (У эшик сари борар экан, Турсунов олдини тўсмоқчи бўлади.)

Ут! Йўлимни тозалаб қўй! (Эшикни очиб, овоз беради.) Хой, бу ёққа! Олинг буни! (Турсуновга.) Туёғингни шиқиллатиб қол, ҳез!

Турсунов судралгандай зўрга чиқади. Улмасов оппоқ дастрўмлочасини олиб, кўлларини артар, сўнгра жирканганича уни полка улоқтирада, Турсунов кетидан юради. Одамлар шарпаси узоқлашали. Хона бўм-бўш. Бахмал кўринади. Юзларини устидаги оқ халатидан ажратиш қийин. Даҳшат ва нафратдан қалтироқ босган. Худди илонни босиб олишдан кўрқсан каби ердаги дастрўмолча атрофидан айланиб, кўзини ундан узмасдан ўтади. Коридорга қаратилиган эшикни аста-секин очади-да, хонадан ўқдай отилиб қочади. Коронгилик. Яна саҳро. Турсунов устидан суд кетаётган манзил кўринади. Бахмал қикоясини тамомламоқда.

Бахмал. Шу тахлитда мен, беихтиёр, қабиҳ суҳбатнинг гувоҳи бўлдим. Бу воқеани бирон кишига айтиб қўйишидан ёки тушимда сўзлаб юборишимдан чунон ҳам қўрқар эдим. Тушимга кириб, уйқудан сараб уйғонган тунларимнинг ҳисоб-китоби йўқ.

Уша кечадан сўнг, то яқин-ўртада областимизда пайдо бўлганича, Турсунов ҳақида бирон сўз эшитмадим. Бир куни кўриб қолдим, қарасам, худди ўзи, ўша Турсунов. Ниҳоят, дафтарини Полвон акаларга очиб ташладим! Шу!

Султонов. Мана, Турсунов, қамоққа олиниш тарининг. Ноуддабурон овчига ўхшаб ўз тузогингга илингансан. Ҳақингда Үлмасов томонидан бичиб-тўқилган иш сохта бўлгани учун, кейинчалик, сени оқладилар. Сенга айбизз айбдор сифатида қайта ҳурмат кўрсатилди, яна катта вазифа топширилди.

Биродарлар, Үлмасовнинг қандай мараз шахс бўлгани, халқимизга етказган заараркунандалиги сизларга маълум. У қилмишига ярасини тортди. Аммо у суд вақтида Турсунов тўғрисида чурқ этмаган. Нега? Балки хотирасидан кўтарилилгандир?

Сен, қувлиқ-шумликла шайтонга фириб берган найранг-боз Үлмасов қўлида маймундай эрмак бўлгансан. Иўл-йўлакай тирноқ остига олинган канадай сени эсидан чиқариб юборган, чунки эзилган кананинг қўланса хиди бирпасда тарқалиб, одам димоғини безовта қилишдан тўхтайди. Лекин у, қамоққа олинганингга қадар, қилмиш-қидирмишларингдан, қанча-қанча одамлар оёғига туҳмат-бўхтон кишанини согланингдан яхши огоҳ эди. Корасоч, ким билсий, балки акангиз Пўлатжон ҳам Турсунов деган чақимчи чизмакашнинг найранги туфайли ўлиб кетгандирлар. Улар бирга ишлашганди-ку.

Корасоч. Қандай қабоҳат!

Султонов. Ҳар нечук бўлса-да, мана энди ажрим этилиши турган гап.

Жумагул (таажжубда). Нишатиб одам боласи шундай ғаддорликка боражак? Нишатиб?

Алижон. Заҳарли илон! Кампирчопон!

Чўли ака. Қўпни кўрган чўпонман. Умрим саҳрода, қўй-қўзилар кетида кечди ва қашқирларга юзма-юз бўлишдан зифирча чўчимас эдим...

Не билай?.. Локийин сендақа одамлар билан бир чўлда яшаш, агарчандики, сен Турсунов бир этагида, мен бошқа этагида турсам ҳам қийин бўларди-ёв. Вақтида узилмаган чечак тиканга айланиб озор бергай, вақтида сузилмаган ош қирмоғга айланиб меъдани бузгай. Ҳа-да!

Корасоч. Шириндан-ширин нима! Фарзанд, албаттада!.. Лекин мен фарзанддан жудо бўлдим... Аччиқдан-аччиқ нима? Үлим аччиқ... Үтсиз ўртаниб, ўтисиз тутаб, гўр оғиздан қайтар чофимиизда, тили аччиқ, дили нопок бу одам оқовасининг қилмишларини англамоқ — нақадар мушкул, юрагим тарс ёрилса ажаб эмас.

Султонов. Турсунов, кўп йиллар оёғимиз остида ўралашиб, зааркунандалик қилиб келдинг. Зааркунандалик ҳунарини катта истеъдод билан адо этдинг.

Сен ва сенга ўхшашлар, сенларга монандларни яратгандлар камолимизни, ҳаётимиз ривожини бир нафас ҳам ушлаб қололмадилар. Аммо зааркунандалик қилдиларинг, кўп заар етказдиларинг. Бас, замонангизни сув уриб кетди, энди ҳеч қачон қайтиб келмайди.

Бобо Равшан. Болаларим, бери келинглар.

Жумагул билан Алижон яқинлашадилар.

— Ёмон ҳаракат, қора ният бошини, кимда бўлмасин — ўзингиздами, бошқалардами, бошини мажақланг. Тил би-

лан дидни пайванд қиломасанга, бир кун ҳам дунбода
яшаш ҳаром. Ваъда бероласизми?

Жумагул. Ишонинг!

Алижон. Қасам ичдим.

Турсунов дабдурустдан ўзини қум устига ташлайди-да, тағанагани-
ча гингший бошлайди.

Чўли ака. Кўпрак ўз дағнини пайқаб, гингшимоқда.
Қорасоч. Бас, сабр-қарорим тугади!

Султонов. Сабр лозим. Даврамиздан чиқиб кетишин-
га оз қолди.

Шу замон, гўё Султонов сўзларининг далилидек, вертолёт шовқи-
ни эшитилади.

Алижон. Вертолёт!

Жумагул. Сизларга келди.

Барча турли ҳаракатлар қила бошлайди. Вертолёт шовқини бир зўрай-
ди-да, таққа тўхтайди. Вертолётда келганлар носилкалар кўтариб
киришади. Бобо Равшан билан Қорасочни олиб чиқадилар,
Султонов Турсунов томон яқинлашади.

Султонов. Турсунов, кетдик. Қанчалик кўнгилсиз
бўлсаям, бирга учишга мажбурсан. Тур ўрнингдан.

Урнидан турган Турсунов зўрга қадам босади. Кўзлари олаза-
рак. Ниҳоят, қораси учади. Ҳамма чиққач, бир зум саҳна бўшаб қо-
лади. Сўнгра Султонов, Бахмал, Чўли ака, Алижон ва
Жумагул қайтиб киришади. Кун сёёлаб, оқшом тушмоқда. Юлдуз-
лар жамол кўрсатади.

Бахмал (*Султоновга*) Хайрлашув вақти яқинлаши: Сиз учуб кетасиз, бизлар машинани чоптирамиз. Чўпонлар интизор бўлишгандир. Чўли ака, сизлар машинага чиқаве-
ринглар, мен ҳозир...

Султонов. Биродарлар, кўришгунимизча омон бў-
линглар. Раҳмат.

Чўли ака. Полвон Султонов, иним, ҳамиша шундай-
лигинизча қолинг, ўғил бола!

Алижон. Оқ йўл, Полвон Султонович.

Жумагул. Ҷим бахтли бўлингиз.

Султонов. Раҳмат, дўстларим, раҳмат!

Ҳамма чиқиб, Полвон билан Бахмалнинг якка ўсларӣ қолишади.

Б а х м а л . Хайрингиз энди, Полвоним.

С у л т о н о в . Кўришгунимизча хайр, хушовоз тўрғайим.
Тепамиздаги беғубор осмон бизники умрбод.

Б а х м а л (бошини орқасига ташлаб). Юлдузлар ҳам...
Юлдузлар жамоли ҳам... Сизни баланд чўққилар кутмоқда.
Юлдузларга яқин юрасиз. Сизнинг уйғоқ кўзларингиз ҳа-
миша юлдузлар жамолида бўлсин! (Кўзларидан ўпади!)
Ҳамиша... Дардингиздан, Полвоним!

Улар ажраладилар. Машина овоз беради, вертолёт мотори гуриллайди,
Вертолётнинг қизил, кўк чироқлари осмонда «милт-милт» кўринади,
Югурган машина чироқлари саҳро оқшоми бағрини ёра узоқларга ке-
тади, Коинотда фақат осмону юлдузлар ҳоким,

П а р д а

Т а м о м

Тошкент,
1967 йил.